

KU KETA MUNYALIWA

 Batu babakula ki babañata. Hanikoni kufita kubona kaufela ka nako yeswana. Kono, muteeleze.

² Ni tabile fa kuba mo hape, busihu cwana, mwa muyaho omunde wo, mwahala sicaba sesinde se. Mi hane lukena mwahali cwalo, fande fani, mizuzu nyana yefitile, batu ne ba yemi mwa mukwakwa ne ba bulela kuli neba palelwa kukena mwahali. Mi se Nili, “Kihande, mwendi Na kona ku mi fumanela sibaka.” Mi ne ba sa ba lumelezi kukena. Kacwalo Ni swabile haluna sibaka sesituna sa bona. Ne ba bulezi kuli mwa malibela kaufela ne ku tezi, nimona. Mi kacwalo lu swabile ka zeo. Kono lu tabile fa kuba mo, ni kutabela kubona sicaba sesinde se kaufela sa bakutazi, baana ba pisinisi mo, ni mina bapoti kaufela baba zwile kwa libaka zeshutana za naha.

³ Ne ni bile ni kolo yende ya kubulela kakusasana cwana kwa mukushuko, zeo Ni bile ya tabezi hahulu kuba ni kolo ya kuambola kwa sicaba sesinde cwalo. Ne ni li fa tuto yakuli: *Sikapi Hasina Kuba Ni Sanda Hamoho Ni Buloto*. Ne ni si ka ifeza. Mi ne si mu—mu mulatu wa muzwale. Na likile kunga bazamaisi kuli luine nako yetelele nyana, kono apalemwa. Na itumela luli ka se, Muzwale Demos. Zeo ki zende, nde luli. Na itumela luli ka sishemo sa mina, mañi ni mañi kaufela. Kono ne ba si ka lu lumeleza kueza cwalo. Kacwalo neluna ni fela ku—neluna ni fela ni ku kwala. Ni ka ikutela, nako yeñwi hape, kuli ni ifeze: *Sikapi Hasina Kuba Sanda Hamoho Ni Buloto*. Kikuli mu i utwisisize, mina bene baliteni mo? [Kopano ili, “Amen.”—Mu.] Ni sepa nekuhile zeñata ze swanelka ku utwahala.

⁴ Cwale, Na ziba, busihu boo, kuna ni sikwata, hape, kacwalo ha Ni lati ku mi buluka mo nako yetelele hahulu kuli mumbwinje zeo. Kakuli, Ni sepa hande kuli sani neli sibyana sa luli kwa—kwa sicaba sa balumeli ba Pentekota, sikwata se ne luboni sani busihu bobuñwi. Sikwata sesinde cwalo sa baana, likalabo zende zani, zenamile. Ne li ni utwisisize hande luli, kubona cwalo. Ni sepa kuli Mulena u ka i fuyola, busihu boo. Mi ya talima kaufela, akone kulumela. Yeo kona tapelo yaka ya kusepahala.

⁵ Mi lipiho zeñata luli litile, kacenu, hamoho cwalo ka mañolo ni mawaile, a babañata baba folisizwe mwa mukopano woo. Ne ni tabezi hahulu. Kuli, zeo ka, kubona sicaba se si kula, woo kona mufuta wa bulumiwa bwa ka.

⁶ Ni—Ni taha kwanu ku to kutaza. Na, mwa ziba, Ha ni mukutazi. Kono Na, ka sona, sikuwa saka sa Kentucky, “zahae, hakuna” ni—ni manzwi ao kaufela, kacwalo Ha—Ha ni koni kubulela sina mo lu bizeza mukutazi wa kacenu. Na—Na hanikoni kunga sibaka seo, kakuli Ha—Ha nina tuto.

⁷ Kono Ni tabela kubulelanga ze Ni ziba ka Zona, ku babañwi, kamba se Ni nahana kuli kona se Ni ziba ka Zona, ku babañwi, mo Ni itutezi Zona, mo Ainezi ku na. ki Yena bupilo bwaka kaufela, bo Ni kulubela kuba ni bona, mi kacwalo ni kufita kufita mo Ni nahanelo, kuli Ni kona kuba ni mulikani, mane, fa lifasi, hane Nili fela mushimani yomunyinyani. Kono Na itumela luli ka balikani babande kacenu.

⁸ Nina...[Muzwale ubulela uli, “Kuna ni butata nyana kwa kuutwa kwa mulaho kwani, Muzwale Branham. Sutelela fakaufi.”—Mu.] Oh, mu Ni swalele. Ni—Ni bile yazwa fa sibaka fa, kutalima kusili, a bulela.

⁹ Cwale, ka kukenelela fela mwa sebelezo, ha lu apuleñi mwa palo ya Mañolo. Na—Na kamita ni tabela kubala Bibele, kakuli Ki Linzwi la Mulimu. Na lumela cwalo. Mi Na Li lumela kuba Linzwi la Mulimu le li sa palelwi. Mi cwale Ni na ni Mañolo alikani añozwi faa, ni litaba zeñwi ze Ni tabela kuswanisa teñi, ka mizuzu yelikani, mwendi ka mizuzu ye mashumi amane ni yeketalizoho.

¹⁰ Mi cwale lu ka zwa ka nako kuli lubone sikuwata sesinde hape busihu boo. Mi Ni sepa kuli Mulimu uka zwelapili ku mi fuyola ona cwalo. Mi Na ziba ze muswanela kueza. Mi Ni swanela kuya kwa Tucson, hape, busihu boo, mwabona, kacwalo mwakona ku nahana fela. Zeo ki lihola ze mashumi za kukoboca.

¹¹ Mi Ni ya kwabuse bwa mawate, mi Ni lukela kutabiwa ndonga ya yelo fiva kakusasana kwa muuso. Kacwalo Ni—Ni swanela ku yo fita kwani. Ne ni bile ni kucinca musipili, zazi leliñwi, mi haba ku utwa zakuli awa “awa” kuba kalabo hape cwale. Mi Ni na ni yeñwi hape ndonga ya tetanus ni typhus zení lukela kutabiwa, ni ndonga ya ñambekelo.

¹² Kacwalo, Ni itumezi hahulu ka kolo ye, ni—ni mukopano omunde o ne lubile ni ona kwa mukopano. Luli ne li tabisize pilu yaka luli. Mu sikuwata sesinde luli sa batu. Ni sepa kuli Mulimu uka mi fuyola.

¹³ Mi foo nako yetuna nikufita... Sona sipuku tuna sani kafani, se si ikapesize mwa Alsa, mazazi nyana afitile, se si zukulize muhata wa sona kakusasana cwana, ku yo punya ni koo kwa Washington. Na ka talima neku le, ka bunolo luli. Mi haiba Moya o Kenile uka ni bulelela swanelo...

¹⁴ Yomuñwi ubile a alaba... ku ni buza kuli, “Kana ze li ka ezahalela kwanu, Muzwale Branham?” Batili, Ha ni zibi ka zeo. Ha ni zibi fela, kufitela Ni palela kuziba. Yeo kona niti.

¹⁵ Ni bata kuba ya sepahala ni mina kamita. Ha ni na fela kuakaleza, kunga milelo yemiñwi, kamba zeñwi, ze ni lumela, kamba nto yeswalo. Ha Ni mi bulelela, li ka ezahala. Kihande, Una ni ku ni bulelela, pili, mi kona Ni mi bulelela. Ni—Ni ziba kuli lifasi kaufela li mwa buino bo bu zikinyeha. Lu kwa nako ya mafelelezo. Kono nto iliñwi ye Ni likile kuba...

¹⁶ Muzwale Shakarian na bulela kakusasana cwana, mwan'afitela mwa mibamba ya tapelo, mi afita kwani ni kunga makadi ani batu ba si ka taha kale, ni kuba talimela, ni kubona haiba—haiba Ni ba bulelezi ze ne ba ñozi fateni. Ba ñolanga litaba zeshutana kaufela fa makadi a litapelo zani, mwa ziba, mi na bata fela kubona haiba li lukile. Ki hali, mwahala a mianda anda a na tatubile, nekusina neba bumaswe bulibuñwi. [Muzwale Shakarian uli, “Hakuna neba iliñwi yene fosahalile.”—Mu.] Hakuna kuba ni yekana ye fosahalile, mwabona, kakuli, ha—ha haibile fela ki Mulimu. Haiba Ni kona kuikenya ku zeo, kipeto za fosahala ona foo ka kukala.

¹⁷ Musizana nyana yo bondatahe ba bainzi fa, basweli ku ni teeleeza cwale, natile kunga, ha ki kale hahulu. Nabile ni tolo. Ki hali, “Muzwale Branham, tolo ye italusikamañi?”

¹⁸ Na li, “Ha ni zibi, kezeli. Ni lukela kubatisisa, haiba Mulena u ka ni bulelela.” Kacwalo Na zwelapili mi na lika kubuza Mulena, mi Na si ka ni bulelela.

¹⁹ Musizana yani akuta kuna hape. Ki hali, “Kihande, cwale ikai toloko ya tolo yaka?”

²⁰ Na li, “Taha kwanu, mulatiwa, inafafasi.” Na li, “Bondataho ni bomaho ki balikani baka babande. Mwabona? Mi bazwile koo kwahule hule kwa Canada, yatuhezi musebezi, mi u zamaile ni mo ni luna. Ba lumela cwalo, zona ze Ni ambola. Mi ha Ni si ka bulela se si fohalile ku mutu kaufela, ka kulata, mwa bupilo bwaka. Haiba Ni... Ni nahana kuli Na ziba seo tolo italusia. Kono kufitela Ni bone tolo yeo nina kasibili, mi kipeto Ani bulelele se i talusa, Ha ni koni ku ku bulelela. Mwabona, haiba Ni ikupulela fela sika, kwakona kuba nako yo ka ni tokwa mwahala bupilo ni lifu, mi cwale haukoni ku ziba kamba u ni lumele kamba nee.”

²¹ Haiba Ni kubulelela sika kaufela ka Libizo la Mulena, luli kona ona cwalo. Yani ki Yena ya ni bulelezi zeo. Mi kutofita fa, ka myaha ye kaufela, hala lifasi kaufela, ha li si ka fosahala kale neba nako iliñwi. Kakuli... Mi, cwale, mwa ziba kuli mutu hakoni kuba ya sa feli. Si lwala Moya wa Mulimu kueza cwalo.

²² Mi cwale Ni nani Liñusa le Ni na ni musebezi ka lona. Mi linako zeñata Ni talimezwi cwalo, mwahala sicaba, kihande, mwendi ya si ka inafafasi ni kunahana, kuli Ne nili—nili, oh, mutu ya maswe, kuli ha Ni lati batu, mi Ni mutu ya sweli ku ba lemakanga. Mi mane ha ki cwalo. Zeo ha li cwalo. Na lata sicaba. Kono, mwa ziba, lilato la sikulula.

²³ Haiba mushimani wa hao yomunyinyani u inzi bukaufi ni mukwakwa, mi u li, “Junior, mulikani, Ha ni lati ha u inzi kafoo, kono...” Mi limota lisweli kuzengana bukaufi ni yena, mi mwa mutisa mwandu. Ki yo wa matela kwande hape. Kiñi, u lukela ku mu sikulula. Haiba wa mu lata, uka mu sikulula. U na ni kueza cwalo.

²⁴ Haiba u bona mutu ya sweli ku kukiswa ki nuka, kuliba kwa sibuba, mwa kakolo nyana, mi uziba kuli mukolo wani u ka yo tiba ha ka yo nata fa sibuba sani, kikuli ukona kubulela kuli, “John, wena, mwendi u swanelu kunahana hanyinyani, mwindi u ka yo fita kwa mafelelezo hanizibi”? Haiba Ni ziba kuli haana ku yo fita kwa mafelelezo, Ni ka mu nyunga mwa mukolo wani, haiba Ni kona, kakuli ki lilato le li eza cwalo.

²⁵ Mi cwale, mwa Mañusa o Ni bulela aa, Ha ni likangi kutisa tuto ni yekana, kamba zewalo. Ni—Ni ezanga cwalo mwa keleke yaka. Kono haili kwande kwantu mwahala baana ni basali baba shutana mwa likopano ni minahano yesutana, Ni nganga fela mubulelolo o bunolo, ka kutatulula; kono luyemela fa kuli haiba u pepilwe ka Moya wa Mulimu, Ni lumela kuli mwa utwisia se Ni bulela, mwahala baana ba Bakreste, Methodist, Baptist, Presbyterian, ni bao kaufela.

²⁶ Cwale, busihu boo, Ni bata kuapula mwa Genese, kauhanyo ya 24. Ni bata kubala...kukalela ka timana ya 12 mwa kauhanyo ya 24 ya Genese.

Mi ki hali, Mawe MULENA Mulimu...muña’ka Abrahama, Na ku lapela, aku ni bonise bunde kacenu, mi ubonise muña’ka Abrahama ka sishemo.

Bona, Ni yemi fapila siliba sa mezi; bana ba basizana ba batu ba mwa munzi ha ba ta zwela kwande ku to ka mezi:

Mi ulumele kuli, kalibe ye Ni kali ku yena, Aku ni sikamiseze nkwanu, Na ku lapela, kuli Ni nwe; mi ali Nwa, mi Ni ka nwisa ni likamele za hao ni zona: ibe yena yo mu ketezi Isaka mutanga wa hao; mi Ni zibe ka mukwa wo kuli u ezize ku...muña’ka ka sishemo.

²⁷ Mi cwale mwa Buka ya Sinulo. Yeo ki yapili ya Bibele, Genese. Cwale, mwa Buka ya mafelelezo ya Bibele, Ni bata kubala mwa kauhanyo ya 21 ya Sinulo, ni timaa ya 9.

²⁸ Lwa ziba seo Liñolo le la Genese fa... Mu yo bala kauhanyo kaufela, haiba mu lata. Ki Mulimu ya luma Eliezare. Kamba, Abrahama ya luma Eliezare, mu ni swalele, kuli ayo ketela Isaka munyaliwa. Mi Rabekah yomunde azwela kwateni, ni ka kalabo ye petehile kwa tapelo yeo—yeo Eliezare na lapezi, mutang'a Abrahama, ya na sa zo lapela fela.

Cwale mwa timana ya 9 ya kauhanyo ya 21 ya Sinulo.

Cwale kwa taha leliñwi la mangeloi a zebene ana sweli linkwana ze sebene zetezi likozi, mi la ni ambota, la li, Taha kwanu, mi Ni ku bonise munyaliwa, musali wa Ngunyana.

²⁹ Cwale, Ni bata kuta kunga tuto, busihu boo, ya kuli: *Ku Keta Munyaliwa*. Mi se ki kuli, haiba muzwale waka yaswel kurekoda, ye ki tepu ye muswanela kuzwelapili ku i lukulula.

³⁰ Mi cwale, mwahali mo, ha ku talusi kuli Ni sweli kuambola taba ye kwa kopano yeliteni moo, kono matepu ao aya kwa lifasi kaufela. A tolokiwa, mane, oh, mwa mishobo yemiñata ñata, mane ku yo punya ni mwa linaha zeñwi za lifasi. Lu ba lumelezanga matepu ao, mahala fela, kwa katengo ka kelek. Mi a tolokiwa. Mi ni mwa mishitu kaufela ya Africa, ni kwa India, ni kupotoloha lifasi, ki ko afitanga matepu aa.

Cwale, ku keta Munyaliwa!

³¹ Mwa lika zeñata za bupilo lu filwe keto. Nzila ya bupilo, kasibili, ki keto. Luna ni tukelo ya ku ikezeza nzila ya luna, ku keta nzila ya luna ka mo lu batela kupilela.

³² Tuto ki keto. Lwa kona kukena haiba lu kaba baba itutile, kamba haluna ku ba baba itutile. Yeo ki keto ye lunani.

³³ Bunde ni bumaswe ki keto. Muuna kaufela, musali kaufela, mushimani ni musizana, una ni kuketa haiba uka lika kupila mwa bunde kamba asike apila mwa bunde. Ki keto shaa.

Keto ki nto yetuna.

³⁴ Ko ulibile kwa Kuyakuile kwa hao ki keto. Mi mwendi, busihu boo, babañwi ba mina mu ka eza ona—ona keto yeo, ya koo mu ka yoina Kuyakuile, sebelezo ye i si ka fela kale busihu boo. Ku kaba nako yeñwi, kuli, haiba u hanile Mulimu linako zeñata, ku kaba nako yeñwi ha u ka Mu hana nako ya mafelelezo. Kuna ni mululwani mwahala sishemo ni katulo. Mi ki nto ye maswe kuli muuna kamba musali, mushimani kamba musizana, atule mululwani woo, kakuli hakuna kukuta ngombemongo ha se u tulile mufunda wani. Kacwalo, busihu boo, ikona kuba nako yeo babañata bakaba ni—ni keto yabona, ya koo ba ka yo ina Kuyakuile.

³⁵ Kuna ni keto yeñwi yeluna ni mwa bupilo, yeo ki ya mulatiwa wa bupilo. Mutangana kamba kalibe, ya hulela ku za bupilo, u—u filwe tukelo ya kuikezeza keto. Mutangana wa keta. Kalibe una ni tukelo ya kuamuhela kamba kuhanha. Kono niteñi i sa li keto, kwa maneku amabeli cwalo. Bubeli bwa muuna ni musali, bana ni tukelo kwa keto.

Hape, ni wena una ni keto, kakuba Mukreste.

³⁶ Una ni keto ya keleke, mo mwa America, koo, ukona kuya kaufela. Yeo ki tohonolo ya hao ya kuba mu American, kuketa keleke ifi kaufela yeo utabela kufumaneha ku yona. Yeo ki keto. Ha ulukeli kuya ku ifi ya zona kaufela haiba ha u lati. Kono haiba ubata kucinca kuzwa kwa Methodist ku ya kwa Baptist, kamba kwa Katolika kuya kwa Protestant, kamba ye cwalo, hakuna yakona ku kubulelela kamba ku kueza kuli uye kwa keleke isili. Yeo ki yaluna—yeo ki tukuluho yaluna. Yeo kona tukuluho yaluna mo. Mutu kaufela wakona kuiketela. Tukuluho ya bulapeli, mi yeo ki—ki nto yende. Mulimu a lu tuse kuibuluka cwalo kuya mo lukonela fela.

³⁷ Muna ni keto hape. Kamba . . . Ha u keta keleke ye, wakona kuketa kamba wena, mwa keleke, kamba uka keta keleke ye ka kuisa kwa Kuyakuile. Wakona kuketa keleke yena ni tuto ya litumelo, kuli ukona kunahana kuli tuto ya litumelo kona fela yo bata. Kamba, keleke yeñwi ina ni lituto za litumelo.

³⁸ Mi cwale kuna ni Linzwi la Mulimu, u na ni keto yateni. Una ni ku ba keto.

Kuna ni mulao o si ka ñolwa mwahala luna, wa kuketa.

³⁹ Na lumela neli Elia, nako yeñwi, fa Lilundu la Karmeles, kasamulaho wa kangisano, mwa nako ya butata ye lu atumela kutaha kuyona ona fa cwale. Mi hakulata, ikona kuba ku wena kamba Na, busihu boo, kuli lueze keto ye, sina fa Lilundu la Karmeles mo ne kubezi. Kaniti, Ni sepa kuli li sa zwelapili, lifasi koliya kolikuwa, cwale. Kono cwanoñu fa ku kaba nako yo na ni kuba ni buiketelo.

⁴⁰ Mi mina baana mo, ka za likopano za likeleke za mina, mulumele fela se, kuli nako i mitezi, ha u kaba ni kueza keto. Ukana wa kena mwa Katengo ka Lifasi, kamba haina ku ba kwa kopano ifi kaufela. Ukaba ni kueza cwalo, mi keto yeo ya taha cwanoñu.

⁴¹ Mi ki nto ye maswe kulibeleta kufitela hola ya mafelelezo yeo, hape, kakuli wakona kunga sika so si ke wa zwa ku sona. Mwa ziba, kuna ni nako ha ukona ku lemuswa, cwale, haiba u ka silela kwabuse bwa temuso, kona kuli kipeto u swaezwi kwa neku leliñwi, u beilwe swayo.

⁴² Muhupule, mwaha wa tukuluho ha ne u taha, mi ni—ni muprisita na pahama inza liza tolombita, kuli muzike kaufela a lukuluhe. Kono ha na ka hana kuamuhela tukuluho, kona kuli nana ni kuisiwa kwa tempele, kwa musumo, mi mapo ne i punyiwa kwa zebe, mi kipeto u ta sebeleza mulena hae kamita. Na punyiwa kwa zebe ya hae kuba mufuta, wa kuutwa. “Tumelo itaha ka ku utwa.” Na utwile tolombita yani, kono na si ka teezeza ku yona.

⁴³ Mi linako zeñata, baana ni basali ba utwanga Niti ya Mulimu, ni ku Ibona ha i bonahalisa ni kupakiwa, Niti, kono niteñi ha ba tabeli ku Li utwa. Leo kona libaka leliñwi. Kuna ni kuketa kokuñwi ko ba lukela kueza, kufita kutalimana ni Niti ni buniti, kabakaleo lizebe za bona zakona kukwaliwa kwa Evangelii. Ha bana ku Li utwa fateni hape. Kezelio ya ka ku wena, Mulimu ha ambola kwa pilu ya hao, unge kezo ona foo.

⁴⁴ Elia na ba file keto, yene ba lukela kueza: “Muiketele lizazi le yo mu ka sebeleza. Haiba Mulimu ki Mulimu, mu Mu sebeleze. Kono haiba Baale kiyena Mulimu, mu musebeleze.”

⁴⁵ Cwale, sina halubona kuli za nama kaufela li swanisisa kwa lika za moyo, sina mo lu fitezi kakusasana cwana, sina lizazi ni buino bwa lona. Yani neli kona Bibele yaka yapili. Ni si ka

bala kale likepe mwa Bibele, Ne ni ziba Mulimu. Kakuli, Bibele i ñozwi kai ni kai mwa lika zebupilwe, mi ya zamaeleta fela ni Linzwi la Mulimu: kamo lifu, kupumbekwa, zuho ya nama; ni kupazula kwa lizazi, kusila, kulikela, kushwa, kuzapazula hape. Kuna ni lika zeñata zelukona kuswanisisa kuzona, Mulimu mwa pupo, ze lukona kufiteleta, kwa Liñusa le.

⁴⁶ Cwale, haiba za moyo, kamba, za nama ki mufuta wa za moyo, kipeto, kuketa munyaliwa, kwa mwa nama, ki mufuta wa kuketa kwa Munyaliwa, kwa Munyaliwa, mwa moyo.

⁴⁷ Cwale, ki taba yetuna ha lu iketela mufumahali, muuna, kakuli buitamo fa ki bwakuli “konji lifu kona lu ka kauhana.” Kona mo lu lukela ku libulukela. Mi munga tumelelano yeo fapila Mulimu, kuli kwanda lifu fela kona le li mi kauhanya. Mi Ni sepa kuli luswanela... Muuna ya nahana hande, ya hupula za kwapili, kuli ulukela kuketa musali wa kunyala ka tokomelo. U tokomele zo eza. Mi musali yaketa muuna hae, kamba kuamuhela keto ya muuna hae, ulukela kuba ya tokomela hande ka sa eza, mi sihulu mwa mazazi aa. Muuna u swanela kunahana ni kulapela asika keta kale musali wa kunyala.

⁴⁸ Ni sepa, kacenu, se si tisa hahulu litaba za kufela manyalo cwale, kuli se lu etelela lifasi mwa America, mwa manyalo asweli kufela. Lu etelela lifasi kaufela. Kuna ni litelekano zeñata hahulu kwanu kufita sibaka sifi kaufela, yona naha ye, mi kulukela kuba kuli, mi ni nahanile ka zona, kuli ki naha ya Bukreste. Ha ki maswabiswa ni ao, likuta zaluna za litelekano! Ni sepa, libaka ki kuli, baana ba keluhile ku Mulimu, ni basali ba zwile ku Mulimu.

⁴⁹ Mi lu fumana, kuli, kambe muuna na ka lapela ni musali a lapele taba yeo; isiñi fela kutilima fa meto amande, kamba maheta atile amatuna, kamba lika ze cwalo, kamba lika zeñwi za lizwalo la lifasi; kono atalimele pili ku Mulimu, ni kubulela kuli, “Mulimu, kana wo kona mulelo wa Hao nji?”

⁵⁰ Ni sepa, kacenu, kuna ni kupumana hahulu, mane inge fela mwa likolo. Foo–foo banana ha ba taha, kakusasana, buñata bwa banana ba fa bukaufi, bona—bona balikani bana bani, baba taha ni kubulela kuli, “Muzwale Branham, lu lapelele kwateni? Luna ni—ni tatubo kacenu. Ni—Ni balile busihu kaufela, mi ha Ni boni kuli Na kona—nakona ku kona. Ni lapelele kwateni.” Ni sepa kuli mwan’ a sikolo kaufela, haiba u kaba, haiba... Mi bashem fa tafule ya kakusasana, ba ka li, “Ima, John una ni tatubo kacenu. Ha lu mu lapeleleñi kwateni cwale.” Ni sepa kuli likona kufita lika kaufela ze mukona kueza ka nzila yeñwi, kamba kukopisa ni kukecula fa pampili ya mutu, Ni sepa kuli, kambe ne mu ka taha fela ni kulapelela taba yateni.

⁵¹ Mi haiba lukona kutokomela ze lueza ha lu ta nyala ni kunyalwa, ha lu keta musala luna, muun’ a luna, lu lukela ku balisisanga handende! Muuna u swanezi kulapela katata, kakuli

ukona kusinya bupilo bwa hae kaufela. Muhupule, buitamo kikuli “konji lifu kona lu ka kauhana,” mi wakona ku sinya bupilo bwa hae ka kuketa ka mafosisa. Kono haiba wa ziba cwalo, kuli ueza keto ye fosahalile mi unyala musali ya sa lukeli kuba musala hae, kono kipeto akalikete kunyala kupale kumane, fo he kipeto ki mulatu wa hae. Haiba musali alumela muuna kono unzo ziba kuli ndatetuna yoo aswaneli kuba muuna hao, fohe kipeto ki mulatu wa hao, ha se u zibile zende ni zemaswe. Kacwalo, ha u lukeli kueza cwalo konji pili ha se u lepezi katata.

⁵² Ki nto yeswana ni kuketa keleke. Cwale, u swanelu kulapelela keleke ko u putehelanga. Muhupule, likeleke li lwala mioya.

⁵³ Cwale, ha Ni lati kuba ya lwanisa. Kono Ni ziba kuli Ni muuna muhulu, mi Ni lukela kufunduka faa, leliñwi la mazazi aa. Mi Ni lukela ku yo ikalabela ka Lizazi la Katulo ka se Ni bulela busihu boo kamba ka nako ifi kaufela. Mi Na, kabakaleo, Ni lukela kuba ya sepahala kufelelela ni kuba ya ikolwisia hande.

⁵⁴ Kono, ha maya kwa keleke, mi haiba mu ka tokomela muezezo wa keleke yeo, mu talime fela mulisana fa nako nyana, mi mu ka fumana kuli keleke i eza inge mulisana wa yona. Linako zeñwi, Ha ni zibi haiba ha lu ngangi fela mioya ya mañi ni mañi kufita kunga Moya o Kenile. Mu ka fita fa sibaka sa kuli mulisana ki ya tulatula ni kukibakiba, mu ka fumana kuli kopano kaufela ni yona i eza ka nzila yeswana. Ni ka mi tisa kwa keleke ko Ni boni mulisana ha yema, u nyunga toho ya hae kwapata ni kwa mulaho. Mu talimele kopano, ni yona i eza nto yeswana. Munge mulisana, yalata kumiza kaco ni kaco fita, ni keleke mu ka fumana kuli i eza ze swana. Kacwalo, haiba Ne ni ka keta keleke, Ne nika keta ya luli, yena nimayemo, keleke ya Bibele ya Evangelii Yetezi, haiba Ne ni ka keta iliñwi ya kuisa lubasi lwaka. Kuketa. Ne ni ka talimisisa . . .

⁵⁵ Bashimani, zazi leliñwi, mwana'a Muzwale Shakarian wa mushiani ni mukwenyana hae, ne ba ni isize ku yo lapelela mucaha yomuñwi, wa muopeli, mushimani yomunde luli. Kona ha ne lu sa zo kuta fela . . . Fred Barker, leo kona libizo la hae, ne lu sa zo kuta fela fa musipili. Mi ba ni biza, bali, “Fred n'a shwa.” Mi cwale, Ni si ka kena kale mwa ndu, liñusa leliñwi la taha, “Hakulata nako ye kikale ashwa cwale.” Mi ki hali nana ni—ni butuku bwa mazambwe kwa booko, mi na felezwi ki mata, mi—mi n'a shwa, mi musala hae na bata kuli ni mu lapelele.

⁵⁶ Mi Na nahana kuli, “Oh, kambe Ne ni ka lika kufufa, na ka shwa Ni sika fita kale kwateni, mi hakulata u shwile nako ye.” Kacwalo, Na liza kapili na swalana ni kalibe yomunyinyani fa luwaile. Mi—mi lwa beya luwaile fa kuhuwa, ni kwa zebe ya Fred. Na sa koni kumiza. Ne ba mufa za ku mutusa kumiza. Mi cwale ha lu to mu lapelela, a li, ka kubonisa lizoho, ali ba si zwise

fa mumizo wa hae. Na palelwa kumiza. Ma dokota ne ba si ka lumela. Ba si zwisa, mi akona kumiza. Na inzi, zazi leliñwi.

Keleke; ku keta keleke.

⁵⁷ Luwaille lwa to lila, fa nako nyana yefitile. Kakusasana cwana, membala wa keleke ya ka, yani mane ki musali wa Baptist ya zwa kwa Louisville, na shwile kakusasana hahulu kacenu. Mi keleke ya ka kwa hae, ki sirkwata tuna sa baana baba ipeile hande, ba kubukana hamoho ni ku shetumuka, malukula a si ka mutoza kale mulyani wa ku omisa, ba yo yema fapila hae, ba lapela konji bupilo ha bu kutela kuyena. Mi wa pila, busihu boo. Babahulu ba keleke yaka, kupalañi, ba lutilwe kulumela kuli lika kamukana za konahala, kutaha ku Mulimu ka kusephala.

Kacwalo, mu swanelia kueza keto ye lukile.

⁵⁸ Hape, mufuta wa musali yoo muuna aka keta, u ka bonahalisa milelo ya hae ni mukwa kwa hae. Haiba muuna uketa musali ya maswe, li bonisa mukwa wa hae. Ni sa itama ku sona, si bonisa ka niti se sili ku yena. Musali ubonisa se sili ku muuna ha mu keta kuba musala hae. Si bonisa se sili mwatasi mwahali ku yena. Hakuna taba ka za bulela kwande, mutualime fela sa nyezi.

⁵⁹ Ha ni ya kwa ofisi ya mutu, mi ubulela kuli ki Mukreste; maswaniso a mamekilwe kwa limota kaufela, ni lipina za kale za boogie-woogie inge li lila. Hanina kamba ubulela sikamañi. Ha nina kulumela bupaki bwa hae, kakuli moya wa hae u sweli kuca lika za lifasi zeo. Sikamañi, ha li, haiba u ka inyalela musizana wa tipina, kamba kucwa haiba muuna unyala licanci manyakasilipi, kamba muitobaleli yomunde, bona matanya ba kacenu? Za bonisa. Li bonisa za nani mwa minahano ya hae, ka zeo bukamuso bwa hae bu ka ba, kakuli u ikungezi yena ku ba ya ka mu pepela bana. Mi kaufela sa li sona musali, kona mo aka huliseza bana bani. Kacwalo, libonisa ze li ku muuna. Muuna ya nga musali ya cwalo, ubonisa fela za sweli kunahana ka za bukamuso.

⁶⁰ Kana munahana kuli Mukreste wakona kueza cwalo? Batili, sha. Hani koni kueza cwalo. Mukreste wa niti haana kubata naluboyoyo ya cwalo, ni basizana baba tabela tupin, ni macanci bo manyakasilipi. U ka bata mukwa wa Mukreste.

⁶¹ Cwale, ha ukoni kuba ni lika kaufela. Kwa kona kuba musizana alimuñwi yomunde luli. Mi musizana yomuñwi, mwendi ki wa... sifateho sa hae sibonahala hande kufita sa yoo. Mi uka tokwa kutuhela alimuñwi bakeñisa yomuñwi, kono, haiba ha ki siyemo sa kalibe, sa musali. Mi, yena... Hanina taba kamba ki lizwabande kamba nee. Ki hande utalime fa mikwa ya hae, kamba ki yomunde kamba ha ki yomunde.

⁶² Cwale, kakuli, kinto ye swanelia, haiba Mukreste a ka keta mufumahali, u swanelia kuketa musali ya pepilwe sinca, mwa niti, hakuna taba kamba u bonahala cwani. Ki seo ali sona, kona se si mu bupa. Mi cwale, hape, seo si bonisa fela mikwa ya hae

ya bumulimu, ni kubonisa sesili mwa munahano wa hae ni se si ka taha kwapili, kakuli lubasi lwa hae lu ka utiwa ki musali ya cwalo yoo, ka milelo ya hae ya lapa la kamuso.

⁶³ Haiba anyala alimuñwi macanci ba kacenu baa, bo manyakasilupi, fohe u kulubela sikamañi? Ki lapa la mufuta o cwani leo ndatetuna yoo una ni ku kulubela? Haiba u nyala musizana yasina buiswalo sakata kuama za kuina fa lapa ni ku babalela lapa, mi utabela kubeleka mwa ofisi ya mutu, yoo ukaba mubabaleli ya cwani mwa lapa? Mu kaba ni bableki baba siala ni bana mwa lapa ni zeñwi kaufela. Ki niti.

⁶⁴ Cwale, Ha ni yo hahulu ku za mibonahalelo ya kacenu yee, sihulu za kuli basali ba beleke. Ha ni bona basali ba mwa mayunifomu batinile, inge ba pahami mwa tolopo, fa mitututu, sina mapokola, ki maswabiswa kwa tolopo kaufela ye ka lumeleza musali kueza cwalo. Mwabona? Mwabona? Imbo baana babañata habana misebezi, si bonisa minahano ya muleneñi wa kacenu. Si bonisa kubola. Ha lu lukeli kuba ni basali bani kwande cwalo. Habana musebezi wa kueza kwande kwani cwalo.

⁶⁵ Mulimu ha na file musali ku muuna, Na mu file sika sa butokwa hahulu ku za Na ka mufa, kwand'a puluso. Kono cwale mutu halika kunga sibaka sa muuna, kipeto musali yo u maswe hahulu ku zakona kuba ni ni zona muuna. Cwale, yeo koina niti. Mwabona?

Cwale lwa bona kalulo ya moya.

⁶⁶ Ni—Ni ziba kuli zeo li maswe, munahana kuli limaswe, kono kona Niti. Haluna taba ka mo liinezi bumaswe, lu na ni kutalimana ni niti. Kona se i luta Bibe. Mwabona?

⁶⁷ Cwale, luna fa lwa bona handende mulelo wa moya, kaza mulelo wa Mulimu kwa Munzi wa Hae wa kamuso ni Munyaliwa wa Hae, wataha cwale mwa ponahazo.

⁶⁸ Haiba muuna unyala musali wa litanya, mu ka bona za kulubela kuba ni zona kamuso. Haiba muuna anyala musali yasike aina fa lapa, mwabona za bata mwa bukamuso. Mi Na nako yeñwi...

⁶⁹ Se si utwahala bumaswe. Na si utwa fela ha ni nze ni bulela. Mi Na—Na, hañata, haiba Ni ikutwa kubulela sika, Ni swanela ku si bulela. Mi hañata ibanga nzila ya Mulimu.

⁷⁰ Ne—Ne ni zamayanga ni mulisana wa likomu ye ne Ni sebeza ni yena, kwa kuleka likomu. Mi Ne ni lemuhangwa kuli muuna muhulu yani na talimanga mwa meto a sitole asika zwisa kale masheleñi. Mi kipeto wa sikulula toho ya yona, ni kuitalimisa kwa mulaho ni kwa pata. Ne ni mu latelelanga cwalo, ku mu buha. Mi kipeto wa si talima famukokoto ni mwa mba, haiba sibonahala hande, sibupeho. Kipeto wa fetuha ni ku si talima kwa pata, mi fokuñwi na nyunga toho ni kufitelela.

Na li, "Jeff, Ni bata kuku buza nto yeñwi."

Mi uli, "Bulela, Bill."

⁷¹ Mi Ni li, "Kiñi ha u talimanga likomu mwa meto cwalo?" Na li, "Ibonahala hande, ki yende—yende komu yekima."

⁷² Ali, "Ni bata ku kubulelala, mushimaní, una ni zeñata za kuituta." Mi Na—Na to lemuha ha sa ni bulelezi. Ali, "Hanina taba ka mo ibonahalela mo i bupezwi. Yakona kuba yekima, kuyofita ni kwa litaku ki nama nama fela. Kono haiba ina ni mubonahelo wa sibatana wani mwa meto a yona, usike wa i leka yecwalo."

Nali, "Kiñi cwale, Jeff?"

⁷³ "Kihande," ali, "nto yapili ki kuli," ali, "haina kuina kulikuñwi." Mi ki hali, "Nto yetatama ki kuli, haina kuba me yomunde kwa namani ya yona." Mi ali, "Ba ibeile mwa mulaka cwale, kona ha i nunile cwana. Mu i kwalulele, ni mubonahelo wa bubatana wani, i ka mata mata mane i ipulaye."

⁷⁴ Na li, "Wa ziba, Ne ni itutile nto yeñwi. Ni sepa seo sa zamaelela ni kwa basali, hape." Kiniti. Kiniti.

⁷⁵ Ona mubonahalelo wa, wa bubatana, wa butanya, mushimaní, yona mibala ya mipende mubala wa ndilu fahalimwa meto a hae. Mi Ne ni sika... Hanikoni kutabela zeo. Ha ni sepi kuli boo ki Bukreste. Hanina taba kamba televishini ni mutende libulela cwani ka za bunde. Ki mubonahalelo o maswe, osabisa o Ni kile nabona fateni mwa bupilo bwaka.

⁷⁶ Hane Ni boni sani lwapili, kwanu kwa Clifton's Cafeteria, kakusasana omuñwi, kwa mukushuko... Na bonanga basizana babañwi ha bataha. Muzwale Arganbright na ti lo kena fela, ni Na. Mi na tulukile fa ndu yafafasi. Mi Na talima, ni musizana yo akena mwahali. Na hupula kuli, "Kihande, Ha—Ha—Ha—Ha zibi." Ne ni si ka libona fateni. Neli mufuta o ipitezi. Oh, ne kubonahala kuli na pazauhile, mwa ziba, neli mufuta fela wa kubonahala kusehisa cwalo. Ha ni buleli zeo kuba ya sehisa. Na—Na li bulela. Mwa ziba, Ni boni fateni mbingwa. Ni mubuleli wa linzwi. Ni boni mikwa kaufela ye shutani, mwa ziba, ka za matuku. Mi Ne ni liba kalibe yani ku yo ambola ni yena, "Ni—Ni—Ni mubuleli. Ni—Ni lapelela bakuli. Kikuli—kikuli utabelia ku to ni lapelela nji?" Mi Ne ni si ka bona kale nto yecwalo fateni. Mi fa, kwataha bababeli kamba babalalu, mwateni. Na kuta mwa mulaho nyana ni kulibeleta.

⁷⁷ Mi Muzwale Arganbright ataha ni yena, kacwalo Na li, "Muzwale Arganbright?" Hakulata uteni moo. Na li, "Musali yo ukatazwa ki sikamañi?" Mwabona?

Mi ki hali, "Yani, ki mipende."

⁷⁸ Na li, "Kihande, mawi, mawi!" Mwabona? Na sepa kuli ne ba lukela ku mu buluka mwa ndu ya bakuli kokuñwi, mwa ziba, kuli lisike za yambukela kwa basali babañwi.

⁷⁹ Kono, mwa ziba, una ni kulela, kutalima, kulapela, ha u keta. Kakuli, lwa bona, ka seo, ki Linzwi la sepiso. Musali, munyaliwa yoo muuna ha keta, uka bonisa mikwa ya hae. Li bonisa se sili ku yena.

⁸⁰ Cwale, mwakona ku nahana muuna, ya talizwe ka Moya o Kenile, aikungele nto yecwalo kuba mufumahali? [Kopano ili, “Batili.”—Mu.] Ha—Ha—Ha ni boni fela tuso yateni, muzwale. Cwale, mwendi Na ni muuna muhulu fela. Kono, mwa ziba, Na—Na hanikoni fela ku utwisisa zeo, mwabona, mulemuhe, kakuli si ka bonisa ze li ku yena. U ka mutusa kueza lapa la hae la bukamuso.

⁸¹ Cwale, he, ha lu cinca cwale fa nako nyana, kwa neku ya za moyo. Mi ha mubona keleke ye li mwa lifasi, ieza sina lifasi, i kulubela mwa lifasi, ica za lifasi, kubala Milao ya Mulimu inge kuli Na si ka Iñola mane, kipeto muka—muka nahana fela kuli Kreste hakoni ku ikungela Munyaliwa ya cwalo yoo. Kana mukona kunahana kuli keleke ya kacenu yakona kungiwa kuba Munyaliwa? Isiñi Mulen’ka. Ha ni . . . Hani koni kubona seo. Batili. Muhupule, cwale, muuna ni musal’hae ki nto iliñwi. Kikuli wakona kuikopanya ku mutu ya cwalo yoo? Haiba nemuka eza cwalo, ne si ka lyanganisa tumelo yeli ku wena.

⁸² Mi, he, kucwani he kuli Mulimu ha ta i kopanya Iliyena kwa sika sesicwalo, lihule la kopano fela? Mu nahana kuli Wakona kueza cwalo, “Babana ni mibonahalelo ya bulapeli kono se si eza mata ateni ba si latuzi”? Hakoni kueza cwalo. Musali ulukela kuba ni mikwa ya Hae ku yena. Keleke ya niti, ya luli, ye pepilwe sica iswanela kuba ni—ni mikwa ye ne li ku Kreste, kakuli muuna ni mufumahali kinto iliñwi. Mi haiba Jesu na eza fela se si tabisa Mulimu, na buluka Linzwi la Hae ni kubonahalisa Linzwi la Hae, Munyaliwa wa Hae uka lukela kuba wa mikwa ya mufuta o swana. Musali hakoni, kube cwani ni cwani, abe kopano. Kakuli, cwale, hakuna taba kamba u bata kubulela zeñata cwani kuli, “batili,” u zamaiswa ki katengo ka kainzi kusili, ka ka mu bulelela sa kueza ni sa sa lukeli kueza, mi, linako zeñata, limaili ze eza lulelule kwahule ni Linzwi la niti.

⁸³ Ki nto yemaswe hahulu kuli luzwile ku Mueteleli wa niti yoo Mulimu u lu siyezi kuetelela Keleke. Na si ka luma baokameli. Na si ka luma ma mbishopu, mantuna, baprisita, mapopu. Na lumile Moya o Kenile kwa Keleke, ku eteleta Keleke. “Moya o Kenile ha u so tile, U ka mi eteleta kukena mwa Niti kaufela, ami patululele litaba zeo, ze Ni mi bulelezi, kumi hupuza zona, mi uka mi bonisa litaba ze sa taha.” Moya o Kenile ne li wa kueza ona seo. Cwale, keleke ya kacenu itoile Zeo. Ha ba Li lati, kona kuli ukona kuba cwani Munyaliwa wa Kreste? Sicaba sa kacenu si keta kopano ya kacenu. Seo siezahala, sibonisa fela kutwisiso yenyinyani ya Linzwi.

⁸⁴ Ha ni talusi kufilikanya, kono Ni talusa kuli liye luli mwa butungi luli kufitela mu libona.

⁸⁵ Ni nyalisize batu babañata, kono kamita li ni hupulisa za Kreste ni Munyaliwa wa Hae. Sesiñwi sa linawenga ze Ni nyalisize kwanu, nako yeñwi yefitile, neli—neli nto ye ipitezi luli mwa bupilo bwaka. Seli myaha yeñata nyana kwa mulaho, inge Ni sa li fela mukutazi wa mwanana.

⁸⁶ Muzwale waka na beleka kwa—kwa PWA. Ha ni zibi haiba kuna ni ya hupula zeo, mane, kamba hakuna, mutu kaufela ya hulile sina na. Mi wani neli—neli musebezi o muuso no nani. Mi muzwale waka na sebeza kwani, ka limaili ze mashumi amalalu. Ne ba kata masa amañwi, musebezi wa pukelezo.

⁸⁷ Mi nekuna ni mushimani kulo kwani, ni yena, yazwa kwa Indianapolis, kaza, oh, mwendi limaili ze mwanda fahalimw'a Jeffersonville ko Ni—Ni pila, kamba kone ni pila. Mi nekuna ni... A bulelela muzwale waka, zazi leliñwi, ki hali, "Doc," ki hali, "Ni—Ni bata... Ni ka nyala, kambe Ni na ni fela masheleñi amañata akulifa mukutazi." Ki hali, "Ni—Ni na ni masheleñi amañata akunga situpa saka, kono," ali, "Ha nina masheleñi akulifa mukutazi."

⁸⁸ Doc ali, "Kihande, muzwale waka ki mukutazi, mi—mi uka—uka ku nyalisa." Ki hali, "Ha lifisangi batu ka lika ze cwalo."

Ki hali, "U ni kupele yena haiba uka ni nyalisa?"

⁸⁹ Kihande, busihu bwani muzwale a ni buza. Na li, "Haiba ha si ka nyala kale fateni, neba alimuñwi wa bona, mi ba... lika kaufela li lukile."

Ki hali, "Kihande, eehe, Ni ka ku buza."

Mi Na li, "Haiba ku cwalo, mu bulelele, ataha kwanu."

⁹⁰ Kacwalo, mi la Pelekelo ha li yo taha mushimani yani ataha. Ibile nto yende kuna, ka kutalima kwa mulaho ni kuibona. Nikona... Musihali wa pula, ni mota ya kale ya Chevrolet, ni malaiti a mota akutamatama ka mawaya, ana tamilwe mwahalimu, kwa pata. Kasamulaho fela kuzwa fani Na latehelwa ki musala ka, mi Ne nina ni, ndu ya libaka zepeli zenyinyani. Mi—mi Doc na li kwani ni na, inge lu ba libelezi.

⁹¹ Mi—mi mushimani atozwa mwa mota, mane na sa bonahali inge munyali, ku na, kamba neba mo ne ba ka mubonela babañwi, Na sepa. Eehe. Ne ni ka mu lekela makatulo amande, alikana dollar ni licika. Mi natinile makatulo, afelile luli. Ni malukwe a kwayukile kucucuka. Mi na tinile iliñwi ya libaki za mafufu zani. Ha ni sepi kuli babañwi ba mina babahulu mwakona kuhupula. Ne bu bonahala inge kuli ne bufitile mwa mushini wa kutapisa linyana kusina kuhainiwa, ne buna ni mankwinya, bo bo tamilwe kubunjuka *cwana*, ni kueza sikoto.

⁹² Mi ka—ka kalibe yomunyinyani ato zwa kwa tuko, ni ndelesi yenyinyani, oh, iliñwi ya lindelesi za mibalabala za kale zani.

⁹³ Ha ni zibi. Ni fosize ka kubulela lika zeo, nako yeñwi. Gingham, Ni sepa kona mo li bizezwa. Mi kacwalo neli... [Kopano yaseha—Mu.] Ni li bulezi ka kufosahala hape. Na—Na kamita ni ezanga cwalo. Mi Na li...

⁹⁴ A zwa mwa mota, mi ba taha fa mahatelo. Mi—mi ha ba kena mwahali, mutu wa batu yani, musali... Na sepa, yena, za na tinile fela neli sikoci kihona. Kakuli na sina makatulo, mane, kwa mahutu. Na kwezi fela mota kuzwa kwa Indianapolis, ni kutaha. Nana ni milili nyana yelepelela, kwa mulaho, yemitelele, ne i otilwe ni ku shetumuka. Na bonahala bwanana fela.

Mi Na li ku yena, “Kikuli u hulile kuli u nyalwe?”

⁹⁵ Musali ali, “Eeni, sha.” Mi ki hali, “Ni na ni liñolo lelizwa ku bondate ni boma la ku ni lumeleza.” Ki hali, “Ni li bonisize kwa—kwa kuta kwanu, kuli ninge situpa sa ka.”

⁹⁶ Na li, “Ku lukile.” Na li, “Ni tabela kuambola ni mina hanyinyani lu si ka kalisa kale za sinawenga.” Ba ina fafasi. Mushimani wateni aswalelela kutilima mwa sibaka kafa ni kafa; na tokwa ku kutiwa milili maswe maswe. Mi nasweli fela kubilaula meto kafa ni kafa. Na sa ni teezezi. Na li, “Mwana ka, Ni bata kuli uteeleze ku ze Ni bulela.”

Se nili, “Eeni, sha.”

Mi Na li, “Wa mulata musizana yoo nji?”

Ki hali, “Eeni, sha. Na mulata.”

Na li, “Wa mulata mushimani yoo?”

“Eeni, sha. Na mulata.”

⁹⁷ Na li, “Cwale, una ni sibaka kwa ku muisa ha se munyalani?”

Ali, “Eeni, sha.”

⁹⁸ Na li, “Ku lukile. Cwale,” Na li, “Ni bata ku kubuza nto yeñwi. Ni utwisisa kuli, u beleka kwanu wa PWA.”

Mi ki hali, “Eeni, sha.” Ni holanga twelufu dollar ka sunda.

Na li, “U nahana kuli wakona ku babalela?”

Ki hali, “Ni ka eza kaufela ze Ni kona kueza.”

⁹⁹ Mi se Nili, “Kihande, zeo ki zende.” Mi Na li, “Cwale, kucwani haiba azwa kwa... Kucwani haiba a zwa musebezi wo, kezeli? U ka eza sikamañi, u ka matela mwa lapa, la bomaho, ni bondataho?”

Musizana ali, “Batili, sha. Nika ina ni yena.”

¹⁰⁰ Mi Na li, “Kucwani, muñaka, hamukaba ni bana babalalu kamba babane, mi hamuna za ku ba fepa, mi ha u na musebezi ni omukana. U ka eza cwani, u ka mu leleka?”

¹⁰¹ Ali, “Batili, sha. Ni ka ikataza ona cwalo. Lu ka kona, ka nzila yeñwi.”

¹⁰² Na ikutwa bunyinyani. Mi Na bona kuli na mu lata luli, mi ne ba latana. Na ba nyalisa.

¹⁰³ Mi ha Ni zibi kwa na muisize. Mazazi nyana a likani, Na buzwa muzwale waka, Doc, kone bainzi. Ki hali, "Nebaile kwa New Albany," muleneñi nyana oli kwatasi a luna.

¹⁰⁴ Mi kwanjetumuko kwa nuka, kone Ni nani sibaka, kwani ne Ni yanga zazi ni zazi hane Ni—Ni sa beleka kwa mihala ya malaiti. Kacwlaø balikani baka babañwi, ne baina fafasi, ni kubulela litaba za lisheha, Ne ni kena mwa mota yaka ni kumatela kwa nuka ku yo lapela ka nako yani, kafani, ni kubala Bibele yaka, mwatas'a sibyana sesituna sa sipi ko ne kuezahalela misebezi ya lisipi kwani. Kuna ni likocikala zetuna za kale za lisipi kulo kwani.

¹⁰⁵ Mi mulikani yo aya kwani ku yo nga bikocikala byani ni kueza munyako ku yona. Mi na lwezi pampili ya mutende ni makunupo a lukilwe.

¹⁰⁶ Ki ba bakai babaziba makunupo a kuluka mo ainezi? Hakuna ma Kentukian mo, kana. Ki, mwanga siemba sa pongisi ye tiile, mwa taba mwateni pini, kueza kasuba kakanyinyani. Mi ni kukasheza mwateni ka... Yeo kona kunupo ya kuluka.

¹⁰⁷ Kacwalo, ne ba li beile kai ni kai. Mi naile kwani kwa musebezi wa lisipi ni ku mu iseza libyana zeñwi, mi aikezeza mapahamelo, ha taha fahalimu. Mi anga bi pongisi byebyimu bya kale, mi aeza tafulé. Mi Na hupula kuli, zazi leliñwi, "Ni ka ya ni yo bona mo ba pilela."

¹⁰⁸ Mwendi ka likweli ze silezi kusika ezhala kale zeo, Na nyalisa mwana wa musizana wa E.V. Knight ku mwana wa mucaha wa E.T. Slider. E.V. Knight, alimuñwi wa baana baba fumile hahulu kwa Nuka ya Ohio, mi, oh, una ni libaka zetuna za misebezi kwani, u panganga mandu a mabala ni masenge akapili, ni zeñwi cwalo. Mi—mi Slider, E. T. Slider, ki mushabati ni mubu okopani ni macwe, bana ba limbombo. Mi Na ba nyalisa.

¹⁰⁹ Mi Na kuta kuya kwa sibaka, naeza cwalo mwendi ka lisunda zepeli, kokena mwa kandu kani ni ku kubama fa musamo. Mi ni lika za kuikataza kaufela zene Ni fitile ku zona, cwalo, mo ne ni fitile, fa kunyalisa batu bani! Mi ha ba yo zwa, kiñi, nebana ni... Lapa leliñwi le ne ba pila mwa kandu kakanyinyani kwani ko ne lunani fela sipula silisiñwi ni mumbeta wa kuputa, bubeli bwa bona ne ba nyalisizwe ka sinawenga sesiswana.

¹¹⁰ Mi cwale, zazi leliñwi, Na hupula kuli Ni ye nishetumukele kwani ku yo potela lapa la bafumi lani. Ne ba sa lukeli kubeleka, bo ndata bona neli limbombo za ma milioni, ne ba ba yahezi ndu yende. Kaniti, yena E.V. Knight yoo, kwani, kwanu fa lilundu, lipakiso za likwalo za hae ki gauda yelikana lishumi ni zene fa muleneñi wa hae, kona kuli mwakona kunahana mufuta wa lapa mo ne bapila. Ne ba lukeli kusebeza. Nebana ni Cadillac yende

yene ba fiwa mwaha ni mwaha. Mi fela, neli fela banana, kono ne ba nani kaufela ze ne ba bata. Ha Ni yo fita kwatensi zazi leliñwi... .

¹¹¹ Cwale, mo ne Ni itwaelelize bona, alimuñwi wa balikani ba bona neli mulikana ka yomunde. Kaufela ne lu swalana hamoho. Mi kona mo ne Ni zibahalezi, ha ne babata kuli ni ba nyalise.

¹¹² Kacwalo Na ya ku yo ba potela. Na zwela fande a Ford yaka, ya kale, mi na zamaya fa mapahamel. Mi—mi Na fita fahalimu, bukaufi nyana cwalo, mi Na ba utwa. Mi nebasweli ku omana luli. Neba na ni lifufa ka yomuñwi ni yomuñwi. Ne baile kwa kubina. Musizana nali yomunde luli. Mi na li alimuñwi wa basizana baba tabela mikiti baa. Musizana wateni na winile mipuzo puzo kwani, ni kuwina limota ni lika zeñata, ka kuba naluboyoyo ya buheha. Mi Na ba talima, alimuñwi nainzi mwa lilulu leliñwi mi yomuñwi ku leliñwi, ne ba ikomanisa ka mushimani yana ilo bina ni yena musizana, kamba musizana yomuñwi, nto yecwalo.

¹¹³ Ha Ni yo sutelela fakaufi, ba tula kapili ni ku to swalana fa bulilo, ni ma—ma mazoho abona, fa bulilo fani, ba taha inge ba sutelela kwa sikkalo. Bali, “Kiñi, mulumele sha, Muzwale Branham! U zuha cwani?”

Nali, “Ni iketile. Mina bo mupila cwani?”

¹¹⁴ Mi, “Oh,” muuna ali, “Na—Na... Lu tabile hahulu. Nji cwani, mulatiwa?”

Mi ki hali, “Eehe, mulatiwa.” Mwabona?

¹¹⁵ Cwale, mwa bona, u sweli kubonisa nto isili ye si yona. Cwale, ha u koni kufutumalelwa ka mulilo wa kuswanisa, inge zeñwi za likeleke zesweli kulika kuswanisa pentekota, ka sene si kile sa ezahala myaha ye sikit kwa mulaho kamba myaha ye likiti zepeli kwa mulaho. Ha u koni kufutumalelwa ka mulilo wa kupenta. Pentekota ki ya niti luli kacenu inge mo ne iinezi nako yani. Mwabona? Eeh. Mulilo u sa suluha. Ha ki mulilo wa kuswanisa. Ki Mulilo wa niti.

¹¹⁶ Kacwalo, bona, kibani nebali fani. Mwabona? Na—Na hanikoni kulata pila cwalo.

¹¹⁷ “Oh,” Na hupula kuli, “mwa ziba, kwa njelelo kwatasi a lilundu kwani ni kwa nuka, kona ko ne li zo felela lapa lani.” Na hupula kuli, “La Pelekelo leliñwi musihali Ni ka shetumukela kwani ni yo bona mo ba pilela.”

¹¹⁸ Kacwalo Na, ni masila kwa sifateho, ni ma obolosi a masila o ne ni tinile. Na hupula kuli, “Ni ka ba potela.” Na ya teñi inge kuli Ne nibata kubona mihala yesweli kuyebauha ka mamonyi a pula kamba nto yeñwi, mi hane Ni ni zamaya kwa matuko a muhala wa luwaile, mihala ya malaiti ye ne shetumuka kwa nuka. Mi ki yani fani Chevrolet ya kale, inge i yemisizwe kwapili. Mi kasamulaho wa silimo cwalo, ha ne Ni ba nyalisize. Mi

nekuna ni—ni . . . Sikwalo ne si kwaluhile, mi Ne ni ba utwa inge ba ambola. Kona kuli se si utwahala inge muipi, kono Na ya kwateni fa kaufi luli kuli Ni teeze, kubona ze ne ba ambola. Na yema fani. Mi Na bata fela ku ziba, na kasibili.

¹¹⁹ Ni tabela kubatisisa kuli Ni zibe ze Ni ambola fateni. Kona mo Ni ezezanga ka Linzwi la Mulimu. Kana Ki Niti nji, kamba ha Ki Niti? Kikuli Uka buluka Linzwi la Hae, kamba Ha buluki Linzwi la Hae? Hahaiba ha bulukangi Linzwi la Hae, konakuli Ha ki Mulimu. Mwabona? Haiba a buluka Linzwi la Hae, kipeto Ki Mulimu. Mwabona?

¹²⁰ Mi kacwalo Ni bata kubona mo ne ba pilela hamoho. Mi Na yo fita kwani cwalo, ka bunolo. Na mu utwa inza li, “Oh, mulatiwa, ne Ni bata ku ku lekela sa kuli, maswe maswe.”

¹²¹ Musali ali, “Cwale, talima, mulatiwa.” Ki hali, “Ndelesi ye ki yende ilikani.” Ki hali, “Kiñi, ona ye kiyende.” Ali, “Na itumela ka yona. Kono wa bona . . .”

¹²² Na nanaalela, kacwalo Na talima mwa mwandala, mo ne ku kwankumuzwi munyako wa sipongisi sa mota. Mi muuna ki yani fani, ali kuina fani, ni musali ainzi fa silupi sa hae; ni lizoho la hae a mu kambekile, ni musali akambekile muuna lizoho. Mi na tinile iliñwi ya likuwani zani za kale, mi na ipunyize lisuba, ni kuimbobelisa, fa halimu, mi a comola kapene ka hae, mwateri. A—a i beya fa tafule. Ali, “*Kutokwahala* bukana kwa milola ni mafula. *Bukana* kwa mitelo. Ni *bukana* kwa mota.” Mi ne ba palelwa ku ipanjeza hande zebabata. Na to lemuha kuli, na boni ndelesi nyana kokuñwi fa lihau, na nza italimela fa lisunda zepeli, yene leka dollar ni sesiñwi fahalimu. Na bata ku yo inga. Ali, “Kihande, mulatiwa, no ka bonahala hande ku yona.” Mi muuna ali . . .

¹²³ Musali ali, “Kono, mulatiwa, Ni—Ni nani ndelesi. Ha—Ha ni i tokwi pili.” Mwabona? Mi musizana nyana yani . . .

¹²⁴ Mi Na kuta mwa mulaho, ni ku talima fahalimu. Na bona ngo—ngo katangando ka ndu yeñwi fahalimu. Na yema fani ni kutalima, mizuzu nyana. Na nahana nali, “Mufumi ki ufi cwale?” Na hupula nali, “Haiba Bill Branham, haiba ubata kunga sibaka sifi kaufela, ki kai ko ukona kuya?” Ku na, Ha ni koni kunga sibaka se sinde sani sa fa lilundu. Ni ka ikungela mukwa wo fa njelelo fa, ki mubuluki yomunde, mutu ya na ni latile mi napila nina, mutu ya nalika kuyaha lapa; ni ku sa mi kola ka sika, ka liapalo zetula; ni mutu ya pila ni wena, siemba sa hao.

¹²⁵ Zeo kamita ne lini katazunga, ka mo ne liinezi lika zeo. Alimuñwi na ketile musizana yomunde, yomuñwi aketa wa mikwa yeminde. Cwale, yeo kona nzila fela inosi ya kuketa ka yona. Pili, mubatange mikwa; mi cwale, haiba u mu lata, ki hande.

¹²⁶ Mulemuhe, Adama wapili wa Mulimu nasina keto ni yekana, ka musala hae. Na si ka ba ni keto. Mulimu na mu ezelize iliñwi,

mi na si ka iketela musali. Kacwalo lu fumana kuli a mu zwisa kwa Linzwi la Mulimu. Na si ka lapelela taba yateni. Ha—ha—ha swani sina wena ni Na. Na sina keto. Mi hape, ka kueza cwalo, a mu zwisa kwa sibaka sa hae se si swanela sa kuba mwan'a Mulimu. Mi musali na ezize cwalo ka ku mubonisa nzila yenca ya bupilo, nto ye ne ba sa lukeli kueza. Kon mikwa ya hae ya bonisa kuli neli ya maswe. Milelo ya hae ni za na bata neli fela ze fosahalile. Mi a mu hapeleza, ka kunahana kwa hae, kuli liseli le linca la na fumaní, lene li shutana kwa Linzwi la Mulimu, kuti ne li nzila yende ya kupila ka yona.

¹²⁷ Mi ki basali babakai kacenu, ni kushutanisa cwalo, baana, ba ba kona kuhoha musali yomunde ku mukelusa ku Mulimu, kamba kuhoha muuna yomunde kuzwa ku Mulimu? ka kulika ku mubulelala kuli, “Bulapeli boo, mina bashimani ba Pentekota, bulapeli bwani,” ba li, “oh, zeo ki za kale, ki mbundu ya kale, usike wa lumela zeo.” Ki hande ulapele katata u si ka nyala kale musizana yani. Hanina taba kamba ki yomunde cwani. Ki nto yeswana ku muuna.

¹²⁸ A mu hapeleza kuzwa mwwa tato ya Mulimu ni ku muezisa kueza taba ya na sa lukeli kueza, mi, ka zeo, atisa lifu kwa lusika lwa batu. Kona Bibele ha i hanisa muslai kuluta, kamba kukutaza, kamba kuswala Linzwi la Mulimu, mwa mukwa kaufela.

¹²⁹ Na ziba, likezeli, buñata bwa mina mu li, “Mulena u ni bizeлизе kukutaza.”

¹³⁰ Hanina ku mi kananisa. Kono Ni ka mi bulelala, Linzwi li bulela kuli musike mwa eza cwalo. “Musali asike aluta, kamba kuhatelela mata abusa kaufela, kono aine akuzize.”

“Kihande,” mu li, “Mulena u ni buleze kueza cwalo.”

¹³¹ Ha ni kakanyi seo ni hanyinyani. Kikuli ne mu utwile Liñusa laka busihu bobuñwi ka za Balaami? Balaami na filwe, keto yapili yenamile ya Mulimu, “U si ke wa ya.” Kono a kaliketa ka buhata hata mane mafelelezo Mulimu amu bulelala kuli aeze ona cwalo.

¹³² Mulimu wakona ku ku lumeleza kukutaza. Ha ni buleli kuli Hakoni kueza cwalo. Kono ha ki ka kuzamaeleta ni Linzwi la Hae la makalelo ni mulelo. “Kakuli u swanela kuba mwatasia a ikokobeze, sina ni ona mulao ha u bulela.” Ki niti. Kabakaleo, ha lukeli kueza cwalo.

¹³³ Cwale, mulemuhe hape mo munyaliwa wa nama aswanisia ku wa moya. Linzwi libulela, lili, “Na ezelizwe muuna, mi isiñi muuna kuezeza musali.”

¹³⁴ Cwale Ni ka bulela, ni libaka lateni, mwa mizuzu yelikani, ka za Munyaliwa wa Kreste, kono Ni lika ku mi bonisa makalelo a zona.

¹³⁵ “Musali na ezelize muuna, mi isiñi muuna kueezewa musali.” Kona libaka, mwatasa milao ya kale, ha ne ku sa lumelezwa libali. Amutalime Davida mwa na bezi ni basali ba ba mianda iketalizoho, mi Bibebe ibulela kuli, “Na li muuna ya latwa ki pilu ya Mulimu.” Ni basali baba mianda ye ketalizoho, mi Solomoni aba ni sikit, kono hakuna neba musali alimuñwi ku bona ya na lukela kuba ni muuna usili.

¹³⁶ Munge tepu yaka ka za *Linyalo Ni Telekano*. Kuli, fahalimu a lilundu kwa Tucson, kwanu ha ki kale hahulu, Ne nili fahalimu fani inge ni lapelela fateni. Ne ba lukuluzi bana ba likolo, kuli ba buhe Siita sa Mulilo inge si zengana fa lilundu ni kuya mwa butelele inge mupaipi, kwa mulaho ni kwa pata, mwahalimu ni fasasi. Sicaba sa kwanu sa ziba cwalo, kwani, mi ne si Li boni; mi Ki . . . ha Ni bulelela Niti ya lipuzo za linyalo ni telekano yee. Haiba kuna ni sibaka silisiñwi se siya neku *le*, mi sesiñwi siya neku *lani*, ku swanelu kuba Niti kokuñwi. Kasamulaho wa Maswayo a Supa ani, A ni bonisa seo Niti yateni ili yona.

¹³⁷ Mulemuhe, cwale, musali ha lukeli kuba ni babañata konji muuna alimuñwi, “Musali na bupezwi muuna, isiñi muuna kubupelwa musali.” Bona basali baba myanda iketalizoho bani neli fela mufumahali wa Davida, mi neli mufuta. Mi Kreste aina fa Lubona mwa Mileniamu, Munyaliwa wa Hae haana kuba mutu alimuñwi, kono ikaba likitikiti ze mashumi, Munyaliwa, kaufela ki Alimuñwi. Mi Davida nana ni basali babañata, sina mutu ni mutu, kono kaufela bona hamoho neli musala hae. Inge Mubili kaufela wa balumeli mo ubezi Mubili wa Kreste, kakuli Ki Yena, yena musali. Haili yena ki Muuna. Cwale, luna lu bupezwi Kreste. Kreste na si ka ezezwa luna.

¹³⁸ Kona ze lu lika kueza kacenu mwa libuka zaluna, ki kulika kueza Linzwi (lelili yena Kreste) kuswana luna, kufita kuli lu like katata kuswana Linzwi. Yeo kona shutano.

¹³⁹ Muuna ha keta musizana kuzwa mwa lubasi loluñwi, ha lukeli kuitingeta fa bunde, kakuli bunde bwa puma. Mi bunde, bunde bwa lifasi la kacenu, ki bwa diabulosi.

“Oh,” Ni utwa yomuñwi yabulela kwande koo kuli, “tokomela foo, mukutazi!”

¹⁴⁰ Ni bulela kuli litaba ze fa lifasi, ze bizwa bunde, luli ki za diabulosi. Ni ka mi bonisa zona. Mi, bakeñisa mubulelelo woo, ha lu bateni mwa Linzwi leli kenile la Mulimu, kubona haiba ki niti kamba nee. Mi mina basali babañwi baba tabela kuba bunde! Mwabona ko li zwelela. Kwa simuluho, lu fumana kuli Satani neli yomunde hahulu kufitela apuma ni Mangeloi. Mi neli Lingeloi lelinde hahulu mwahala ona. Neli kubonisa kuli, li inzi ku diabulosi. Liproverbia ili, Solomoni naize, “Bunde ki mbango.” Yeo ki niti. Sibi ki sesinde. Kinitit, kona cwalo. Sa ebelswa.

¹⁴¹ Ni bata ku mi buza, ni kubulela nto yeñwi fa ku mina. Ni bata kuli mu ilemuhe, ka mizuzu yelikani. Mwahala libupiwa kaufela za lifasi, linyunywani, lifolofolo, lu fumana cwalo mwa bupilo bwa lifolofolo, kwand'a batu, ki za siina kona zende, mi isiñi za sisali. Kiñi hakuli cwalo? Amatalime fa . . . Mutualime tolo, ya—ya poho kona yetuna ni manaka ayona, ni ya sitole nyana yani. Mutualime ku—ku nasikuku, yenyinyani, nasikuku ya mibalabala, ni mukombwe omututuna wa mafufa amande. Mutualime nyunywani ya mukombwe ni nyunywani ya seke. Mutualime pato ya ngunga ni ya musali. Mwabona? Mi hakuna sibupiwa neba se si kana mwa lifasi, se si bupilwe, sesi kona kupuma ni kuikusuzafa hahulufafasi sina musali.

¹⁴² Cwale, kezeli, usike wa nanuha ni kuzwela fande. Libelela fela kufita mafelelezo a Se. Mwabona? Mwabona?

¹⁴³ Hakuna sika, hakuna sa musali kwand'a musali, kiyena yakona ku sa ipuluka. Mubiza nja kuli “litanya,” mubiza kulube “kuli—kuli kulube ya musali,” kono, ka buiswalo, lina ni buiswalo hahulu kufita licika la babapali ba mafilimu kwande kwani. Halikoni kuba zeñwi kwand'a ku ba buiswalo.

¹⁴⁴ Mi musali neli yena ya na cincizwe, ka kulyanganiswa. Ki niti. Mwabona ko bu muisa bunde? Cwale, ki kabakala kuli, kacenu, lu fumana kuli basali ba ekezehile kwa bunde. Munge Pearl Bryan, mukile mwa bona siswaniso sa hae? U lukela kuba yomunde hahulu mwahala ma American. Hakuna neba mwan'a sikolo alimuñwi yazwa kai kaufela kono kaufela utabelu kuba ni siswaniso sa hae mwa—mwa mukoko. Kikuli mwa ziba kuli kuna ni kuba ona cwalo? Kana mwa ziba Bibele ibulela kuli kona mo ku ka bela cwalo?

¹⁴⁵ Kana mwa ziba kuli kuwa kutahile ka basali kwa simuluhoh? Mi kuwa . . . Mafelelezo a ka fela ka mukwa o swana, basali ba taha mwa puso mi bafetuha baluwi fahalimwa baana, ni zeñwi calo. Mwa ziba Mañolo abulela cwalo? [Kopano ili, “Amen.”—Mu.] Mwa ziba, zazi la na tinile liapalo za muuna, ni kukuta milili ya hae, lika zeo kaufela za Iwanisa Linzwi la Mulimu. Mu muziba kuli musali u yemela keleke? [“Eeni.”] Ha mu bona basali baeza zebaeza, mu ka bona se i eza keleke. Sa zamaeleta hande. Cwale, cwale, zeo ki za niti fela sina Linzwi la Mulimu mo libezi la niti.

¹⁴⁶ Hakuna zeñwi za sisali ze bupilwe zekona kukusufala hahulu inge musali. Mi he, ka seo, kakuba yana bupilwe kuba si— . . .

¹⁴⁷ Na si yo mwa sibupeho sa makalelo. Zeñwi za sisali kaufela li mwa buino bwa zona bwa makalelo: linyunywa, za baana ni za basali; lifolofolo, za baana ni za basali. Kono, mwa bupilo bwa batu, Mulimu na ezize muuna, mi A nga ku yena. Mi musali ki sibupiwa se si bupilwe ku zeñwi, za muuna, kakuli Mulimu na si ka lumeleza taba yecwalo. Mubate Mañolo. Ki niti.

Mulimu, batili, sha, mwa pupo bwa Hae bwa makalelo. Musali na beilwe kwani.

¹⁴⁸ Kono haiba akona ku ipuluka hande, ha ki mupuzo kwa butuna wo anani musali kufita muuna. U beilwe fa sibaka sa muliko. Ka yena kutahile lifu. Una ni mulatu wa mafu kaufela. Kono cwale Mulimu afetuha ni kuitusisa alimuñwi kutisa Bupilo hape; atisa Mwa Hae ka musali, ya na utwela. Kono ya maswe ki—ki taba yemaswe hahulu; hakuna zekona ku ba mwatasi hahulu.

¹⁴⁹ Kaine, mwan'a Satani, a hupula kuli Mulimu na ka amuhela bunde. Wa eza cwalo ni kacenu. Kaine nali mwan'a Satani. "Oh, cwale!" mwa bulela. Haluna kuya mwa butungi ku zeo, kono ha lu boneñi ni mi tomele zona. Bibele ibulezi kuli "nali wa ya maswe." Kacwalo, ao kona mafelelezo. Ku lukile. Cwale, nali mwan'a Satani. Mi a hupula kuli, kutisa aletare ni kuipanga yende luli kwa milapelo, kona za ko na ku kuteka Mulimu.

¹⁵⁰ Ba nahana, ba nahana zeswana kacenu. Kiniti. Se, "Lu yahile muyaho omutuna. Lu kaba ni kopano yetuna. Lu kaba ni muyaho o mutuna hahulu mi wa batu babaziba kutina hande, batu babande luli ba za bulapeli." Linako zeñwi Mulimu uinezi kwahule ka limaili ze likana ma milioni a mashumi. Yeo ki niti. Ibo, ki keleke.

¹⁵¹ Kacwalo, haiba Mulimu ukuteka fela milapelo, busepahali, kuipa, Kaine na swana fela sina Abele. Kono ne li ka sinulo, ha na utwisisa kuli ne si ma apule o ne ba cile bashemi ba hae.

¹⁵² Ni ka bulela nto yeñwi fa ye sa utwahali hande ku mukutazi, kono Ni ka ibulela, kupale kumane. Ni utwanga babañwi ha ba bulela lika, ka litaba za lisheha nyana. Ha ni talusi cwalo. Ni bulezi seo, kono, "Haiba kuca ma apule ne ku tiselize basali kulemuha kuli ba mapunu, kihande kanti lufe ma aple hape." Mwabona? Mwabona? Uh-huh. Mu ni swalele ka seo, kono kikuli fela li cince. Ni mi katalisize fa, ka kuambola fa basali, ni zeñwi cwalo. Ni—Ni—Ni bata ku mi katulusa fa muzuzu nyana, ku ze sa taha. Cwale, mulemuhe, mina... Ne si ma apule. Lwa ziba cwalo.

¹⁵³ Keleke se ibile mwa mazazi aa, ni ze ifumanzi za yona, inge ze fumanwi zeñwi za batu, mo se libela za sayansi. Ba lika kueke keleke ya sayansi, ka kuhohiwa kwa maswaniso ni miyaho yemitelele lituwa. Mi kinto yetata hahulu kuli Mapentekota ba keni mwa butata boo. Kihande ube fela ni kambuli, mwa lilulu, ni Moya wa Mulimu una ni wena. Kono musweli kulika kubapanya ni babañwi ba boiba, kakuli mu ikopanyize. Kona se si tisize lika zeo. Mwabona? Likeleke lisweli kulika ka sayansi.

¹⁵⁴ Mi muhupule, mutu ha nza ipundekela zwelopili ka sayansi, wa ipulanya zazi ni zazi. Ha na pangile musili wa tobolo, mutualime sa na ezize. Ha na pangile mota, i bulaya hahulu kufita

musili wa tobolo. Cwale u ipangezi bomba ya haidrojini. Mwa ziba sa ka eza ni yona? Kiniti.

¹⁵⁵ Mi kona mo inezi ni keleke, hainze ilika ka sayansi, ka mikwa ya sayansi yaipangezi mutu, li mi isa kwahule ni Mulimu, ni kukena mwa lifu, kufita mo ne liinezi ka nako yapili. Yeo ki niti. Usike wa keta keleke ya hao inge mo ketela musala hao. Mwabona? Se ne imuezelize sayansi neli komokisa, kono kihande mube kwahule ni keleke ya mina ku zeo; na ezize mipende, mapauda, ni lika zeñwi ze kaufela. U kete ka mikwa ya Linzwi la Hae.

¹⁵⁶ Cwale ha lu bapanyeni munyaliwa wa nama wa kacenu ni ze bizwa kuli munyaliwa wa keleke wa kacenu. Mubapanye musali, ya ya kwa kunyalwa kacenu.

¹⁵⁷ Cwale, mutualime sayansi se i mu ezelize. U taha kwande, pili, ni milili ye pumezwi, ni muezezo wa mikwa ya Jacqueline Kennedy yani, mwabona, kamba nto yecwalo. Mi mwa ziba se i bulela Bibele? Bibele ifa muuna, haiba ubata kuba cwalo, tukelo ya ku mu leleka mwa telekano, a ka eza cwalo. “Ki musali yasina likute, ha ka kuta milili ya hae.” Bibele ibulezi ona cwalo. Kiniti. Ne mu mu sa zibi cwalo? Huh? Oh, ehe! Ni kutaza hahulu mwa California kuli musike mwa ziba zeo. Yeo ki niti. Oh, eehe! Ki bnde mañi bo bu ni tahela? Ba eza cwalo, kupale kumane. Ha mukoni kunga kulube ni ku cinca libizo la yona, ku i eza ngu. Mulemuhe.

¹⁵⁸ Mu ka ni toyia kasamulaho wa se, kono mu ka ziba Niti. Mwabona?

¹⁵⁹ Mutualime. Ha lu libapanyeni. Ki yo utaha ni mipende kaufela, nto ya si yona, ki munyaliwa wa kacenu. Atapa kwa meto, uka sinya sifateho sa hae, mwendi. U ka mi sabisa hahulu, aka zwisa lika zani kaufela za ipeile. Mi kona mo iinezi ni keleke ye tuna, ye pentilwe kwapili, ki mipende fela ya Max Factor. Uh-huh. Bubeli bana ni—ni bunde, mibonahalelo yabuhata ku yona, bunde bo aipangezi mutu mi isi bunde bwa Mulimu. Hakuna mukwa omunde ku yeñwi yazona kaufela.

¹⁶⁰ Mulemuhe, inge fela Satani, una ni zeñata zeo akona kupuma ka zona, kubapisa munyaliwa wa kacenu ni yena: yatina tuputula, ya ipenta, yakuta milili ya hae, yatina liapalo zebonahala inge baana, ni kuteeleza mulisana ya ka mu bulelala kuli hakuna butata. Ki mupumi. U ka nyanda ka zona mwa sibaka sa mwabuse. Yeo ki niti. Ueza cwalo kuli apume, ka kuba seo asi sona.

¹⁶¹ Kona mo i ezeza keleke cwalo, iba ni ma DD., PhD., LL.D. amatuna. Kacwalo mu li, “Mulisana wa luna ki wa *se, sani*, ni *sesiñwi*,” mwendi hakuza ze ba ziba ka za Mulimu sina Mbonezikai mwa sa zibeli busihu bwa Egepita. Yeo ki niti. Kiniti. Sikolo seiñwi sa za bulapeli kwande kwani, mane kusina kuziba ka za Mulimu sina nto kaufela.

¹⁶² Keleke ya kacenu ni mipende ya bona ya za bulapeli, hmm, bana ni basali ba bona ni kanya ya bona ye ba kukuzi kwa litoho, ka muricky yomuñwi ni mulisana ye ba ipumanezi, sina Jezabele haiba ku kile kwaba alimuñwi. Milili ye pumezwi, tuputula, mipende, kaufela ze beilwe fela mwa buino bwa za bulapeli, kona mo i yemezi keleke cwalo. Kiniti. Kono buino bwa hae bwa moyaya bu kwahule hahulu kwa kuba ni mutu yaina falapa yoo Jesu Kreste atahela.

¹⁶³ Haiba Mukreste ufi kaufela ukona kunyala musali ya cwalo, si bonisa kuli u wile kwa muhau. Zibo ya hae ka za Mulimu ni zibo ya hae ka za lapa mo i lukela kubela mo li lukela kubela lapa, li kwahule, ha ka keta musali ya cwalo. Batili, sha. Ha swaneli kuba ni maikuto a Bukreste. Mikwa ya hae ya moyaya i mwatasi hahulu, ishwile, mwa bunde bwa za likopano ni takazo ya lifasi.

¹⁶⁴ Foo kona fo iyemi hande keleke kacenu, ulekisize mikwa yefiwa ki Linzwi ya hae ku Satani, kwa bulapeli bwa ipangezi bwa sayansi. Kanti, nana ni tukelo, kakuba keleke ya Mulimu, kuli apile ni Linzwi la Mulimu ni kuba ni Moya o Kenile unzo beleka mwahala hae, kuciseleza Mubili hamoho ni Linzwi ni lilato la Mulimu. Kufita kueza cwalo, a lekisa tukelo ya kupepwa kwa hae, inge Esau, ni kunga kopano, mi ya mu tuhelela kueza cwalo, kaufela za na bata kueza, kihande, kuli azibahale fela inge mwa na ezelize mahe kwa Nicaea, Rome. Linzwi la Mulimu!

¹⁶⁵ Oh, mo li kenezi mwa sibaka sa luna sa Pentekota! Kinto ye maswe luli, kono i ezahalile.

¹⁶⁶ Mulemuhe, fa muzuzu fela, musali yaipile kusa nyalwa mwa keleke ya Katolika. Musali yani, kuli abe ya sa nyalwi, ni kunga sapalo sa mafelelezo sani, u lekisizwe ka ku felelela kwa keleke yani. Musali yena (moyo, mubili, ni moyo) ki libyana za keleke yani. Haana ngana ya hae fela anosi. Hakoni kuba ni yona, ha sa amuhezi lisila la mafelelezo lani, isi tato ya hae fela. Mwabona kwande kwanu, Satani u ezanga za buhata zani, inge kona za niti.

¹⁶⁷ Keleke ya niti ya Kreste, yena Munyaliwa, i lekisizwe ka kutala ku Yena ni kwa Linzwi la Hae la sepiso, kufitela ona maikuto luli anali ku Kreste aba ku wena. Ha ki shutano ni yeo!

¹⁶⁸ Mi lu fumana cwana kacenu, kuli, keleke ya kacenu, keleke ya lifasi la kacenu, keleke ya lifasi la kacenu ni kuli Keleke yani ya moyaya bubeli bwa zona libeilwe fa mezi amanca, kulibata kupepa bana ba bashimani.

¹⁶⁹ Alimuñwi wa bona, ki ka kupepwa kwa kopano, u kafiwa, alimuñwi wa bona kalizazi, kwa,mazazi aa, kwa Katengo ka Likeleke za Lifasi, kaka katisa antikreste kwa lifasi, ka kopano. Yeo luli kona Niti. Hakulata ha ni koni kupila kuyo bona zeo. Na lumela Ni ka libona. Kono, mina banana, muhupule kuli mu utwile mukutazi ya bulezi cwalo. Zeo luli li ka ezahala. Mi

yeo kona nombolo ya sibatana, ha si ka bupa ona Katengo ka Likeleke za Lifasi kani. Mi ka ka pepa mwan'a mushimani, yena antikreste.

¹⁷⁰ Yomuñwi ubeilwe fa mezi amanca ka Linzwi la Mulimu mi uka tisa Mubili, Mubili o kwanile kwa wa Jesu Kreste, ili yena Munyaliwa. Mubili wa Kreste ha u si ka kwanelela kale. Ki ba bakai baba ziba cwalo? Muuna ni musali kinto iliñwi. Mi Kreste ki Mubili ulimuñwi, Linzwi. Munyaliwa uka tokwa kuba Mubili o tezi wani kaufela. Mi ba babeli, hamoho, baeza Mubili ulimuñwi hape. Inge Adama mwa na bezi kwa simuluhō: muuna, musala hae, ki alimuñwi. Cwale, Musali, Munyaliwa wa niti, ya lekisizwe ku Yena ka kufelelela, kuli Na sa itusisi maikuto a Hae. Maikuto a Hae, eni sha, kona tato ya Hae, mi tato ya Hae kona Linzwi la Hae.

¹⁷¹ Cwale mutualime yo yabizwa kuli munyaliwa ka muuna, ni kubapanya wa moyo ku wa nama wa kacenu, Jezabele wa kacenu u loilwe ki Akabe wa hae, bunde bwa Max Factor, lika kaufela. Mutualime keleke, ka nzila yeswana, kono haili lihule kwa Linzwi la Mulimu ya pila; likopano zetuna, miyaho yemituna, masheleñi amatuna, lituwelo zetuna, kaufela ne li lekisizwe. Baana babayemi fa katala ba nyatela kuli zeo li lukile, ni ku ba lumeleza kuzwelapili ni zona. Ki bupumi fela, ku felile. Luli Lusika lwa Keleke ya Laodesia ki sibofu, ona cwalo fela Bibebe se i bulezi kuli kona se si ka ezahala. “Uli, ‘Ni fumile. Ni ina sina mulena wa musali. Ha ni na se ni tokwa.’ Kanti ha u zibi kuli u mubotana, u mwelwa, u sibofu, u nyandile, u mapunu: ibo ha u zibi.” Haiba seo ha KISONA SA BULELA MULENA, Sinulo 3, Ha ni si ka I bala kale. Kona sa li sona, kono ha zibi cwalo! Mu nahane ka zona.

¹⁷² Haiba u bulelea muuna kamba musali, fa mukwakwa, yana li mapunu, mi u mu bulelela kuli uinzi mapunu, mi yena uli, “Ziba fela za hao,” kiñi, kuna ni ku sa konda hande mwa booko sesiñwi. Kuna ni se si fosahalile ni booko bwa mutu yoo.

¹⁷³ Mi ha u ka bala Linzwi la Mulimu, ka mo batu ba swanelu ku ezeza, mi kolobezo ya Moya o Kenile ye lu nani kacenu, mi, sicaba, kiñi, ba ka kutalimela inge kuli wa takana. U mu bulelela kuli: “U na ni . . .” U na ni ku pepwa sinca. U lukela kulumela Bibebe.

¹⁷⁴ U ka li, “Leo neli litangu la Sijuda, ka myaha yefelile kwa mulaho. Keleke ya luna ina ni nzila.” U mwelwa, unyandile, usibofu, umapunu, mi ha u zibi. Ha ki . . . Mi Bibebe ibulezi kuli boo kona buino bo ba kena kubona.

Kana mupolofita wa niti ukona ku li mbwinja cwani? Ha ni zibi.

¹⁷⁵ Kufuluhela mwa likeleke kaufela, kai ni kai. Mutualime ku zona, ki mwa muezezo fela wa za kacenu. “Lihule la kale ni bana baba sizana,” ba Sinulo 17, kufa ba “botana, libofu, banyandi”

batu bao tuto ya za bulapeli ku shutana ni Linzwi la Mulimu. “Mi ba fumana ku yena miyo ya batanga, ni baana ni basali ba—ba kai ni kai.” Kufita kuhoha sicaba . . .

¹⁷⁶ Kreste u bonisa Linzwi la Hae, le li hoha sicaba. Ha li hoheli sicaba kwa likeleke ze ebeliswa ki likopano zetuna ni lika zetuna, ni litaba zetuna ni lika zeñwi ze ipitezi. Kono haili Linzwi la Mulimu uhoha Munyaliwa wa Kreste.

¹⁷⁷ Cwale mulemuhe. Kwa tabisa ku—ku lemuha mo kuli—kuli keleke ilike kuhoha ngana ya sicaba ka liapalo zende ni likwata zaba opeli babatina hande, ni basali baba kuta milili bona ni lifateho ze pentilwe. Mi ba nahana . . . Mi baopela sina Lingeloi. Bapuma inge diabulosi, bamata mata busihu kaufela kwa kubina cwalo, hakuna ze ba nahana ka zona. Mi kona ze ba nahana, “Ku lukile. Zeo ki zende.” Kono, mwa bona, zeo li pangilwe ka buhata. Leo ha ki Linzwi la Mulimu.

¹⁷⁸ Kanti, Munyaliwa wa niti ubiza kubateni kwa Mulimu, ka kubuluka Linzwi la Hae. Cwale mulemuhe. Cwale ha lu lemuheñi Kreste.

¹⁷⁹ Mu li, “Kihande, cwale, libelela fa muzuzu, kucwani ka bunde bo sweli kuambola boo?”

¹⁸⁰ Bibebe iize, mwa Isaya 53:2, kuli, fani Jesu ha taha, “Ne ku sina bunde ku Yena, kuli lu Mu lakaze.” Ki niti kana? [Kopano ili, “Amen.”—Mu.] Hakuna bunde. Haiba Na ka taha mwa bunde bwa lifasi, sina Satani mwa bezi kacenu, sicaba ne si ka Mu matela ni ku Mu amuhela mo ba ezeza mwa keleke kacenu. Ne ba ka Mu lumela, ku Mu amuhela, sina mo ba amuhelela Satani kacenu. Kiniti, ne ba ka eza cwalo. Kono Na si ka taha ka bunde bobucwalo, kono Yena kamita utahanga mwa bunde bwa miinelo. Kwani, Kreste ne si yomunde, yomutuna, yatile, Muuna ya bapukile maheta. Mulimu ha ketangi mifuta yecwalo.

¹⁸¹ Na hupula nako yeñwi mupolofita ha kambamela ku—ku mulena, kuli ayo eza mulena ku mwan’ a mushimani wa Jese, kuli ange sibaka sa mulena yomuñwi, Saule. Mi kacwalo Jese azwiseza fande, muika, yomutuna, mushimani yomunde. Ki hali, “Kuwani ya bulena ika muswanela, kwa toho.”

¹⁸² Mupolofita ayo mu sela oli. Ki hali, “Mulimu u mu hanile.” Mi Ahana ufi ni ufi wa bona, konji ha yo fita ku yomunyinyani, wa maheta a weyukile, mushimani ya bonahala bufubelu kwa sifateho. Mi a mu sela oli, mi ki hali, “Mulimu u mu ketile.” Mwabona? Luna luketa ka meto. Mulimu uketa ka mikwa.

¹⁸³ Mikwa, nekusina mikwa sakata inge yeneli ku Jesu Kreste. I pila ku mina ni ku bonahalisa Yena. Lwa bona kuli ki niti. Ha ki bunde bwa lifasi bobuli ku Yena bo bu biza Munyaliwa wa Hae. Ki mikwa ya Hae, mikwa ya Keleke, yeo Kreste abata; isiñi ko kuna ni miyaho yemituna, ko kuna ni likopano zetuna, ko kuna ni sicaba sesiñata. U sepisize ku kopana kokuna ni bababeli kamba babalalu baba kopani hamoho. Kiniti. Kona

koo mulumeli wa niti ayendeka sepo ya hae, foo ki fa Linzwi la Mulimu le li pakilwe ka Niti, kona seo lili zona. Muketange ka Linzwi la Hae, isiñi ka sikwata se si lata lifasi. Ba toile zeo.

¹⁸⁴ Kona ha lelekilwe kuzwa ku Yena, kakuli u zwile mwa sinulo ya Hae, mi haana yona. Ha mu tokomeli, ka mwa ezeza, ni mo abezi ni zeñata za lifasi le.

¹⁸⁵ U sweli kubata mikwa ya hae, mikwa ya Kreste. Cwale, fa nako nyana fela cwale. Ku felile. U keta Munyaliwa kuli a bonahalise mikwa ya Hae, koo likeleke za lizazi le kacenu li mbwinjize muzamao wa—wa Hae fa, ka limaili ze lule lule, kakuli ba latuzi *Se* kuba Niti. Kona kuli si kona kuba cwani? Cwale, U bata lizazi leo Munyaliwa una ni ku bupiwa, Maheberu 13:8, inge fela mo ne Li inezi, sina mwa Na inezi. I lukela kuba mibili wa Hae o swana, masapo aswana, Moya o swana, kaufela ze swana, kaufela zona libupiwe hamoho, mi kipeto zepeli zeo li ka ba nto iliñwi. Konji keleke ibe cwalo, halina kuba nto iliñwi. Mikwa ya Hae, ya Linzwi, la lusika loo, ina ni ku bupiwa. Una ni ku bupiwa sina Yena mo ainezi.

¹⁸⁶ Cwale, ka kukwala, Ni bata kubulela libaka le Ni bulelezi litaba ze, mi Nika—Nika kwala. Busihu bobuñwi, mwendi ka sili kiloko kakusasana, Ne ni ti lo pasumuka.

¹⁸⁷ Ni bata kuli mañi wa mina kaufela a alabe taba ye. Kana Ni kile na mi bulelela fateni sika ka Libizo la Mulena sa buhata? Kamita libile za niti. [Kopano ili, “Amen.”—Mu.] Kacwalo a mu ni tuse, Mulimu uziba kuli ki niti yeo. Hakuna ni yomukana, hakuna kai kaufela mwa lifasi, mwahala litaba zeeza likitikiti ze bulezwi fateni, fo Akile a mbwinja linzwi neba lelikana la ona. Kamita libile liezahala hande nde ka swanelo.

¹⁸⁸ Neba ko ne Ni inzi kwa Phoenix, zazi leliñwi, kamba seli mwaha o felile cwale, mi na mi bulelela Liñusa la—la kuli *Ki Nako Mañi, Shaa?* Mi na mi bulelela, “Mangeloi a Sebene aka yo ni katanyeza kwani,” mi ibe kukwaluha kwa Maswayo ao, ni zeñwi. Mi kwani ba—ba mutende wa *Life* magazine ba ñola taba yateni, bali Liyekuyeku lelituna le li pikuluha mwahalimu, limaili ze mashumi amalalu mwahalimu, ni mwa bukima limaili ze twenty-sebene. Ne ba bulezi kuli ne ba palelwa ku utwisisa kuli kinto mañi; ha ba zibi ni cwale. Mi baana baba inzi ona mwa muyaho mo busihu cwana, neba yemi nina kwani zeo ha li ezahala, ona cwalo fela mo ne Li bulelezi. Na ni bulelezi lika ze ne ka ezahala, mi za ezahala handende ona cwalo. Mo ne akwaluhezi Maswayo ani kaufela, ni kubulela likunutu ze ne patilwe ku ona mwahala masika a baongaongi ba evangeli ni babañwi cwalo, ka kuswanelo handende.

¹⁸⁹ Kuli, inge ni yemi fahalimwa lilundu, baana, babalalu kamba babane ba bona bayemi ona mwahali mo cwale, eeni, bafiteleta foo mane. Ne lu pahama lilundu, Moya o Kenile wali, “Nopa licwe leo.” Ne lusweli kuzuma. Ki hali, “Li nepele

mwahalimu, mi uli, ‘SA BULELA MULENA KISONA.’” Na eza. Kuzwafafasi fani kwataha moya o fuka uyemi nonga. Na li, “Mwahala lihola ze twenti-foo, mu ka bona lizoho la Mulimu.” Baana bao bateni ona mo cwale.

¹⁹⁰ Zazi lelitatama, mwendi ka teni kiloko, ne niyemi fani, Na li, “Amu itukise. Mu kene mwatasi a mota kwani,” mi muika. Na li, “Kuna ni se si libelezi kuezahala.” Ne li mbyumbyulu yesina malu, ona mwa libala lelituna. Ona foo kwataha Mulilo o pikuluha kuzwa kwa Lihalimu, wa kasha katata mo ne U konela kupalakata, wa nata fa mamota ona cwalo. Ne—Ne ni yemi bukaufi ni Ona. Na tubula kuwani yaka, na swala mwa toho. Ya sutelela fakaufi ka mafiti amalalu fahalimwa aka, ni kusehululea limota cwalo, ni kupanca. Ni ku kutela mwahalimu, ni kupotoloha hape, ni kutaha fafasi linako zetalu, neba ku pumela fahalimu a likota za mishakashela ni macacani kwani, sibaka se si likana libima ze mianda yemibeli. Na utwa balikani bani bali, “Amen”? Ne ba liteni ha li ezahala, mwabona, ni kupanca halalu.

¹⁹¹ Ha ba yo shokomoka mwa limota mo ne baipatile ni libaka zeñwi, ba taha, bali, “Sani ha ne si ka kunata, nekusike kwa siyala neba lisuzo.”

¹⁹² Na li, “Ne li—Ne li Yena. Na sweli kuambola nina.” Mulimu ubulela ka kakundukundu. Mwabona? Mi ki sani fani Siita sa Mulilo sesiswana se mubona mwa siswaniso, sa li kuyema fani.

Mi ha Si ya mwahalimu, ba li, “Ki sikamañi sani?”

Na li, “Katulo i nata kwa Likamba la Wiko.”

¹⁹³ Lizazi la bubeli kuzwa fani, Alaska ya bata kutiba. Mwabona? Ya nativa hañwi, kwani, kunatiwa kwa makalelo.

¹⁹⁴ Koo, muna ni kueza sika, sa ku swanisia ku sona. Inge muna ya sela lizwai mwa nkwana, ni ku li sela mwa mezi, ni kubulela kuli, “SA BULELA MULENA KISONA, ha kube mezi a munati.” Mi yomuñwi, Jesu, ange mezi ao ni kuasela mwa komoki, ni—ni kueza veine ku ona.

¹⁹⁵ U lukela kuba ni sesiñwi, sa kuswanisia ku sona. Kona mo ne siinezi sani, sene si nanuhezi mwahalimu ni kutaha fafasi. Kona sene si kalile kakundukundu nyana kani. Mwahala lihola ze twenti-foo, Ka nyunga lilundu lani kuli mane kwa katisa ni mukokolombwa kulipotoloha.

¹⁹⁶ Rev. Bo. Blair babainzi fa, Ni ba talimezi ona fa cwale, nebali teni kwani mi ba nopa liemba zeñwi za lona, ni zeñwi cwalo. Ki yo fa Terry Sothmann, ni bona, mi bayemi fa, ni Billy Paul. Ni mizwale, babañwi babañata ba bona babaliteni mo, bene baliteni mwani ba libona ha Li pazaula lika.

¹⁹⁷ Boo ha ki buhata. Yeo ki niti. Zeo ne si mwa mazazi a kale a Bibele. Zeo ki cwale. Mwabona? [Kopano ili, “Amen.”—Mu.] Yena Mulimu ya swana yani ya ni bonisanga litaba ze, mi mane

za ezahala, ona cwalo mo ne li bulelezwi. Ha li si ka palelwa kale fateni. Cwale Na itumba ka Yena.

¹⁹⁸ Lisunda nyana zelikani kwa mulaho, Ne nili mwa pono. Mi Ne ni yemi fahalimwa—a sibaka se si lumbile, mi Ne ni lukela kubona Keleke makalelo ayona. Mi Na lemuha, ha ni zwa kwa . . . Ne ni yemi sina *cwana*, inge ni talimezi kwa Wiko. Mi kuzwa kwa neku *le* nekutaha sikhata sa basali babande, mandelesi amande luli, ba milili yemitelele ye ne nata mwa mikokoto, liapalo za mazoho amatelele, ni likoci ze yo wa ni kwa lingongo kabukwala. Mi kaufela bona nebali mwa munembo wa kucaula, inge kuli, “Bahali, Bakreste masole, amuye kwa ndwa, ni sifaopano sa Jesu si li kwapili.” Mi ba to fita, Na yema, mi nekuna ni Sesiñwi fani, Moya omuñwi cwalo, neli Mulimu, mi wali, “Ki yani Munyaliwa.” Mi Na talima, mi pilu yaka ya taba. Mi Aya apotoloha neku *le*, ni ku ni fiteleta.

¹⁹⁹ Kasamulaho wa nako nyana, ha yo kuta neku *le*, Wa li, “Cwale keleke ya mikwa ya kacenu ki yeo ifitile.” Mi ki yeo keleke ya kwa Asia yataha. Na li kuba ni bone fateni sikhata se si masila cwalo.

²⁰⁰ Se kutaha likeleke zeñwi, za linaha zeshutana. Ne li bonahala kusabisa.

²⁰¹ Mi Ni—Ni bulela se kakuli Ni tamehile kubulea niti, fapila Mulimu. Mi Ha to bulela kuli, “Ki yeo keleke ya America ifitile cwale, kuli ibonisize,” haiba Ni kile nabona fateni sikhata sa madimona, sani neli sona. Basali bani ne ba zamaya fela mapunu, ni kapalo fela kakanyinyani ka mubala o museta cwalo, inge mubala wa litalo la tou. Mi ne ba ikapesize kona fapata, kusina sapalo sa kwahalimu neba hanyinyani. Mi ne ba sweli kueza lika zeñwi, cwalo, yona—yona mibinelo ye ba binanga banana kwanu ye, kuminyauka kwani ni zeñwi, ni lipina zeo inge li liziwa. Mi cwale Na bona Maa U.S.A. ataha kiyo, Na bata kuwelela mane.

²⁰² Cwale, se kikuli SA BULELA MULENA KISONA. Haiba mu ni lumela kuba mutang'a Hae, mi ni lumele cwale. Ha ni koni kubulela zeo kusina tuso. Hakuna masheleñi mwa lifasi kaufela onikona ku fiwa kuli ni bulele zeo haiba ha ki niti.

²⁰³ Mi ha t fita bukaufi, neli nto yesabisa hahulu ku ze Ni kile nabona fateni. Na hupula kuli, “Mulimu, mo ba ikataleza bakutazi ni luna mizwale ku Kutiseza Munyaliwa, kanti ze kona ze lutisize.” Na sweli kuminyauka, inza sweli *cwana* kwa pata a hae, inge yeñwi ya likoci zebizwa hula zee, inge awalelezi kwapata a hae, inza tibile fapata, sina *cwana*, na bina ni ku minyauka inge banana baa kwanu fa . . . lipina zemasila ze babanga ni zona, za kuitobaka. Yani neli Musala Bukreste wa America.

²⁰⁴ Kacwalo amu ni tuse, ka tuso ya Mulimu, kona mo libonahalela mwa meto a Hae. Na—Na fela . . . Na kala . . . Ne ni

batile kuwelela. Na hupula kuli, "Kulika kwa kaufela, ni ku kutaza, ni kususueza?" Mañi ni mañi wa bona inza kutile milili, mi ne ba itobaka ni kuzwelapili cwalo, bali kuswalelala fapata *cwana*. Ba taha cwalo, fo ne Ni yemi fani ni Sibupiwa sa buipiteli sa moya see. Ne ni si ka Mubona. Ne ni Mu utwa inza bulela nina; kuli nali nina fakaufi. Kono ha ba yo fetuhela neku *le*, ba swale *se*. Mi inge ba itobaka ni kuseha ni kuzwelapili cwalo, ni kutundamena cwalo, kuswala *cwana* fa pata a bona.

²⁰⁵ Cwale, ne ni yemi Fapila Hae kwani, ni mutang'a Hae. "Mi ni kaufela zane Ni likile, ze kona ze Ni konile kueza?" Na hupula kuli, "Mulimu, ki bunde mañi bo li ni ezize? Ki bunde mañi bo li ni ezize? Kulika kwani kaufela, ni kukupelela, kuhapeleza, ni lisupo zetuna ni ze komokisa ni limakazo Zo bonisize. Ni mo ne Ni yemezi fani, ni kuya kwa ndu inge ni lila kasamulaho wa kukutaza kubona ni lika zeñwi, mi ki bunde mañi bo li ni tiselize? Mi cwale Ni lukela kutisa nto yecwana ku Wena kuli ki yena Munyaliwa?"

²⁰⁶ Mi hane Ni yemi fani, inge ni talimela, ki yeo afita cwalo. Mi mwakona kunahana siemba sa kwa mulaho sa hae, kusina sa na tinile, inge ba swalelezi *se* kwapata hane ba zamaya cwalo ni kuminyauka, sina cwalo, kwa mubinelo woo, inza lahaka mahutu a hae cwalo. Mi, yena, oh, neli za matapa, mwa na sweli kuzamaela cwalo, mubili wa hae unzo njanja cwalo. Cwale Na . . .

²⁰⁷ Mu li, "Si talusa sikamañi, Muzwale Branham?" Ha ni zibi. Ni sweli fela ku mi bulelala se ne Ni boni.

²⁰⁸ Mi ha to fita sina cwalo, Na mu talima. Oh, Ne ni batile fela kuwelela. Na to fetuha fela. Na hupula kuli, "Mulimu, Ni nyazizwe. Hakuna—hakuna tuso kuli ni like sika cwale. Kihande fela ni tuhele kihona."

²⁰⁹ Musala Bo. Carl Williams, haiba ubateni mo, ni tolo yani yo no ni bulelezi, nako nyana yefitile, yo no nani yona busihu bobuñwi, yebile i ku kataza, ki yona yeo. Mukoboco u zwisizwe mwa lizoho la ka.

²¹⁰ Mi, Na nahana fela, "Na—Na mwendi ni libale fela ka zona." Ne se niile.

²¹¹ Mi, hañi hañi fela, Na utwa Ya taha hape. Mi kutaha kuzwa neku *le* kwa taha Munyaliwa ya na tile ka nzila *ye*. Ki bao likalibe za sanana hape, mi mañi ni mañi wa bona natinile sapalo sa ndembela ya bona ko ne ba zwelela, inge Switzerland, Germany, ni zeñwi cwalo, mañi ni mañi na apezi mufuta wa sapalo se si cwalo, kaufela bona milili ye mitelele, kuswana fela inge bani bene bafitile lwapili. Mi ki bao ne ba taha, inze ba zamaya. "Bahali Bakreste masole, amuye kwa ndwa." Mi ha ba to fita kaufela mwa ponahazo yani fani fo ne luyemi, ona fani fela hañi hañi, liito kaufela la talima neku lani. Mi cwale ba sikuluha, mi ki bao ba ya, inge ba caula.

²¹² Mi ha ba to kala fela kuya mwa mbyumbiyulu, yomuñwi yo aya kwa tuko bukaufi ni lilundu mi ki yani akeluha *cwalo*.

²¹³ Ba bakala ku pahama mwa malu. Mi ha ne ba bakalile kucaula, Na lemuha bababeli ba basizana kwa mulaho, ne kubonahala inge kuli ne ba zwa kwa na ha isili, inge Sweden kamba Switzerland, kamba kusili fela. Ba kala kutalima kafa ni kafa, ni baba...Na li, "Mu si ke mwaeza cwalo! Mu si ke mwa zwa mwa muzamao woo!" Mi ha Ni to huwa cwalo, Na zwa, mwa pono, inge ni yemi fani ni lizoho laka linamile *cwalo*. Na hupula kuli, "Kihande..."

²¹⁴ Kona libaka ha Ni bulezi ze Ni bulelezi, busihu boo. Ni bata ku mi buza puzo. Kana nako ifelile kufita mo lubonela? Kana U bizizwe kale ni kuketiwa, u swailwe kana? Hakuna kuba babañwi hape, mwa ziba. Kana kona cwalo? Oh, eeni. Oh, eeni.

²¹⁵ Muhupule se ne Ni bulezi, zazi leliñwi kwa mukushuko. Mwa mununo wa ku kopanya za buuna ni sa busali, kuna ni likokwani za bupilo zekuma fa lule zakena mwateni, mai a likana ma milioni akena mwateni. Kono kuna ni fela iliñwi ya zona ye ka pila, mi, hape, kaufela zona za swana: alimuñwi mwahala baba lule. Iliñwi ni iliñwi ya zona, ki lii leliswana ni kokwani yeswana. Ifi ni ifi yazona ya pila. Zesiyezi zateni za shwa.

²¹⁶ Hakuna yakona kuziba lii le li kolile, mi, oh, kucwani ka zeo. Mulimu una ni ku ziba ka zona, kamba ikaba mushimani kamba musizana, milili yemifubelu kamba ye fubelu ka bunsu, kamba kaufela sa kona kuba sona. Mulimu ki yena yaziba zeo. Ha ki yapili yetaha, kono ki yapili yeo Mulimu aketa. Mwendi iliñwi ikona kutaha *fa*, mi iliñwi...Haiba mulemuha, mwa mupila wa kutatubisa, ku li bona ha litaha hamoho. Ni li boni. Mulimu ki yena ya keta zeo. Iliñwi, yeñwi ni yeñwi yazona, za swana, ka kuketiwa. Kupepwa kwa nama ki ka kutiwa. Mulimu uketa mwateni iliñwi mwahala ze lule.

²¹⁷ Mi Isilaele azwa mwa Egepita, mwa musipili wa bona kuliba kwa na ha ya sepiso, neli batu babaeza lule habeli a batu. Mañi ni mañi wa bona nali mwatas'a ngunyana ya sitabelo, kamba ne ba si ke ba pila. Mañi ni mañi wa bona na teezeza ku Mushe, kakuba mupolofita. Mañi ni mañi a kolobezwa ku yena, mwa Liwate Lelibufelu. Mañi ni mañi wa bona na bina, basali ni Miriame, fahalimu nifafasi kwa (mi) ni fa likamba, fani Mulimu ha sinya sila. Mañi ni mañi na yemi ni Mushe, mi a mu utwa a opelela mwa Moya. Bona, mañi ni mañi, na cile manna mwa lihalaua, yene zwa kwa Lihalimu. Manna yenca, busihu ni busihu, ili mufuta wa Liñusa, mañi ni mañi wa bona na cile kwateni. Kono, kuzwa mwahala baba lule habeli, ki ba bakai baba ilo kena? Bababeli. Alimuñwi kuzwa mwahala baba lule.

²¹⁸ Kuna ni Bakreste babakona kueza faifi handeleti milioni mwa lifasi busihu boo, kubala ba Katolika ni babañwi kaufela. Faifi handeleti milioni babaipiza balumeli mwa lifasi. Haiba

Kuungelwa ku ka ezahala busihu boo, seo sikona kutalusa kuli...haiba alimuñwi kuzwa mwahala baba lule kona ye ne li palo. Ha ni buleli kuli ku cwalo. Kono haiba kona mo kuinezi cwalo, batu baba mianda yeketalizoho, mwa lihola ze twenty-foo zetatama, ba ka lu tobela. Mane hamukoni neba ku utwa ka zona. Ku kaba babañata baba ka tokwahala, kube cwani ni cwani, mane babasike ba zibahala.

²¹⁹ Kona kuli zakona kuba, kuezahala kuluna, mulikani, inge mo ne kubezi fani Joani Mukolobezi ha taha. Neba balutiwa ne baize, “Kiñi kanti Mañolo ha bulela, kiñi kanti—kanti baapositola kamba bapolofita habali, kiñi ha ba bulela kuli Elia uswanezi kutaha pili kuli akutise linto kamukana?”

²²⁰ Ki hali, “Ni li ku mina Elia sa tile kale, mi ha mu si ka mu ziba.”

²²¹ Leliñwi la mazazi aa lukasuhana lusiyези inge luinzi ona mo, “Kucwani he ka za Kuungelwa kusika taha kale nako ya nyandiso?”

“Iezahalile kale mi ha mu si ka i ziba.”

²²² Mubili kaufela kakutala, u swailwe, U beilwe fela mwa muhato olukela. Ha ni buleli kuli kona cwalo. Ni sepa kuli hakuyo cwalo. Kono, mulikani, ha se ili...

²²³ Haiba luna ni maikuto mwa lipilu zaluna, busihu boo, kuli luswanelu kuotolola bupilo bwa luna, ni lika ze luezize, haluboneñi ni mi eleze, kakuba muzwale wa mukutazi. Ni ka bulela se ka nako ya pili, fa katala. Ni liyehile luli busihu boo, fa taba Ye, kufita mo Ni ezelize fa taba isili kaufela, ka nako kaufela, kupale kumane, fapila sicaba, kakuli Ni bile ni tukuluho yeñata mwa mikopano yee. Haiba mu ni lumela kuba mupolofita wa Mulimu, mu teezeze ze Ni mi bulelezi. Haiba kuna ni maikuto nyana mwa lipilu zamina asiyo hande, mu ye ku Mulimu cwale. Mu eze cwalo.

²²⁴ Muyeme fa muzuzu, baana. Amutalime fa—fa lituto zamina za litumelo ze mu sebeleza. Mutualime mwa likeleke zamina. Kana za zamaelela hande ni Linzwi la Mulimu? Kikuli mufitile fa mayemo kaufela a swanelu? Muli, “Ni muuna yomunde.” Kona mwa na bezi ni Nekudema, ni babañwi ki mo ne bainezi. Neli—Neli babande. Mwabona? Seo hasina sa kueza ni Lona.

²²⁵ Mi, basali, Ni bata kuli mutualime mwa siiponi, ni kutalima seo Mulimu atokwa musali kueza. Mi mubone mwa siiponi sa Mulimu, isiñi mwa siiponi sa keleke ya henu cwale, mwa siiponi sa Mulimu; mi mubone haiba mwa swanelu, mwa bupilo bwa mina, Munyaliwa wa moywa wa Jesu Kreste.

²²⁶ Bakutazi, munahane ka kuswana. Kikuli musweli kulomona kulo *faa*, kuli mupilise maikuto a yomuñwi kwani? Kana ne mu ka eza se haiba ne si... mi ne ba ka ku leleka mwa keleke? Haiba

u ikutwa cwalo, muzwale waka yomunde, alubone ni ku lemuse, ka Libizo la Jesu Kreste, saba ku zeo busihu boo cwale.

²²⁷ Mi, kalibe, haiba ha u swaneli fa sikala sa Mukreste, isiñi ka kuba Mukreste wa sihali hali, kono mwa pilu ya hao, ni bupilo bwa hao bu zamaeleta hande ni setifiketi ya linyalo la Mulimu, mo, i ubulelela kuli kona mo ilukela kubela . . .

²²⁸ Mi, membala wa keleke, haiba keleke ya henu haiyo cwalo, kukona kuswanela linepo za Mulimu za Linzwi la Hae, zwa mwateni mi ukene ku Kreste.

²²⁹ Yeo ki temuso yebuhali. Ha lu zibi nako, mi ha mu zibi nako, yeo muleneñi wo zazi leliñwi uka beiwa mwatasi a liwate le.

²³⁰ "Oh, Kapernauma," kwabulela Jesu, "wena ya ipahamisa kwa lihalimu, uka tisiwa mwa lihele. Kakuli, haiba misebezi yemituna ne i ka eziwa mwa Sodoma ni Gomora, ne i ka yema ni lizazi le." Mi Sodoma, Gomora li mwatas'a Liwate Lelishwile. Ni Kapernauma i mwatasi a liwate.

²³¹ Wena muleneñi, ya ipapata kuba muleneñi wa Mangeloi, ya ipahekile mwa lihalimu, mi kulumeleza masila kaufela, linto kaufela za masila ya mitinelo ni lika zeñwi, kufitela mane ni linaha za kwahule litata kwanu ku to kopisa masila aluna ni ku a lumeleza koo, kwa likeleke za mina zende ni lituwa za miyaho, ni zeñwi cwalo, ka mo muezeza. Hupula, zazi leliñwi uka lobala mwatasi a liwate, bona bunde bwa hao ka nako ya cwale. Buhali bwa Mulimu busweli kutokola mwatasi ku wena. U ka nga nako yekuma kai Inza swalelezi mubu wo fahalimu faa? Kanti, liwate lani kafoo, litungile kulikana maili mwa buliba, uka kena mwani, ku kutela kwa Liwate la Salton. Ku kaba bumaswe kufita lizazi la Pompeii. Baka, Los Angeles.

²³² Mubake, mina babañwi kaufela, ni kukutela ku Mulimu. Nako ya buhali bwa Hae i fa lifasi. Amu sabe nako ha i sa li teni ya kusaba, mi mutahe ku Kreste.

Halu lapeleni.

²³³ Mulimu Yomunde, kanti, mwa moyo waka, na njanja, pilu yaka isweli kulotisa mioko ya temuso. Alaba, O Mulimu, kuli baana ni basali basike ba nahana se Ni bulezi kuba lisheha, ni sicaba sa keleke si si ke na nahana kuli ki nto ya kuakaleza kamba kuba lwanisa. Ha ba bone, Mulena, ki ka lilato.

²³⁴ Wena wa ni pakela, Mulimu Yamata kaufela, kuli fahalimu nifafasi a likamba le ko Ni fitile, mwaha ni mwaha, kushaela Linzwi la Hao. Wa ni pakela, O Mulimu, haiba likona kuezahala busihu boo, Ni bulezi Niti. Wena u ziba kuli pono ye ya Munyaliwa ki ya Niti. Ni ngile Libizo la Hao ka zona, Mulena, mi ni bulezi kuli KISONA SA BULELA MULENA. Mi Ni ikutwa kuli Na ziba, Mulena, ze Ni sweli kueza.

²³⁵ Kacwalo Na Ku lapela, Mulena, ka Libizo la Jesu, sicaba ha si nyanganye, busihu boo, ni kusaba buhali bo bu taha, kakuli

Ichabod se i ñozwi fa likwalo ni fa linaha. Muñolo omunsu so swailwe ku zona. Moya wa Mulimu u halifisizwe kuzona, mi li beilwe fa sikala mane lifumanwi kutokwa bukiti. Mukiti wa Mulena Nebukadinezare u kutezi hape, ni mikiti ya lino ni basali baba apala ka butanya, banze baipiza kuli Bakreste.

²³⁶ O Mulimu wa Lihalimu, aku utwele butuku lifasi la sibi ni sicaba sa sibi se, Mulena, mo lubdzi busihu boo. Mulimu, Ni lika kuyema mwa pakani ni kukupa sishemo se Sipahami, kuli U ambole kwa sikwata se busihu boo ni kubiza Munyaliwa wa Hao kuli autwe, Mulena, kuli ba caule isi ka sisupo sa tumelo ya lituto za litumelo, kono ka mulumo wa Evangelia wa Mulena Jesu Kreste. Lumeleza cwalo, O Mulimu. Ha li zibahale, busihu boo, kuli Wena u Mulimu, mi Linzwi la Hao ki la Niti. Kanti, ka kusabisa, fa pila sicaba se, lu ba bizeza kwa kuutwa Linzwi la Hao.

²³⁷ Ka Libizo la Jesu Kreste, Na ba lapelela, Mulena. Ba Ku boni, kusina ku kakanya ni hanyinyani, zamaya mwahala likwata za bona ni ku ba bulelela zeli mwa lipilu zabona. Mi Wena wa ziba, Mulena, kuli, ona fa cwale, se si sweli kuezahala. Wena u ziba kuli yeo ki Niti, O Mulimu. Mi Na Ku lapela, ka Libizo la Jesu, lumeleza Moya o Kenile u lu lwanele hape, Mulena, mi uhohe mwa sicaba se, Mulena, bani baba ñozwi mwa Buka ya Ngunnyana ya Bupilo. Lumeleza cwalo, O Mulimu. Na lapela ka pilu yaka kaufela.

²³⁸ Sicaba se, ka butu, Mulena, sakona ku ni fa kapene ka mafelelezo ko banani, kuli katuse Liñusa. Bakona kueza sika kaufela se bakona. Kono, O Mulimu, ha sitaha ku sa kuswalisana ni Lona, ni kutaha ku Lona, Na lapela, Mulimu, kuli boo kwateni ibe busihu bo Uka ba fa mupuzo ni kusulula Moya o Kenile wa Hao fahalimwa mukopano woo. Mi kusike kwaba kunuha fela kamba kutulaka, kono kube kulila ni kubokolola, ni kubaka, ba swale kwa manaka a katala, halunze lubona likatulo litaha mwatasii aluna, busihu boo. Lumeleza cwalo, Mulimu. Na lapela ku ya ka mo Ni zibela kusepahala kazona, ka Libizo la Jesu Kreste.

²³⁹ Muzwale waka, kezeli, Ha—Ha ni zibi za ku bulela hape, haiba Ni fumani muhau mwa meto a hao, ka mata a Mulimu, haiba mu ni lumela kuba mupolofita wa Hae. Ye kona nako yapili mwahala batu ha Ni bulela cwalo. Kono Ni ikutwa temuso yeipitezi cwalo. Ha ni si ka itwaeza litaba ze. Mwa ziba ha Ni si ka litwaela. Ha ni ezangi cwalo. Ne ni kañakaña kubulela Liñusa le ni kubulela litaba zeo. Ni li kekuluhile ni lika zeñwi fela, kuli ni si ke na li bulela. Kono Li bulezwi, mi Li ka yema ka Lizazi la Katulo, kuba bupaki kuli Ni bulezi Niti. Zeo kikuli SA BULELA MULENA KISONA! . . . ? . . .

²⁴⁰ Oh, Pentekota, matela bupilo bwa hao. Sabela kwa manaka a aletare mi ulile, nako i si ka fela kale, kakuli nako ya taha

foo ni ha u ka lila hakuna kuba ni tuso. Kakuli Esau na likile kufumana sicaba, sa tukelo ya kupepwa kwa hae, kono atokwa ku sifumana. Na mi beya, oh, California. Oh, mukopano wa Baana ba Pisinisi ya Evangel Yetezi, bao Ni lata, bao Ni siile ni tamehile kubona, ka pilu yaka kaufela, Ni mi beya ku Jesu Kreste, busihu boo. Musabele ku Yena! Musike mwa lumeleza diabulosi kuli ami kutumanise ku Se. Muine hande ni Sona konji mane mañi ni mañi, atale Moya o Kenile, kuli mane, mukone kutaha kwa Linzwi le, kuli zeo lieze mina basali kuyema hande, ze ka eza mina baana kuyema hande. Haiba mu bulela kuli muna ni Moya o Kenile, kono ha mu lumelani ni Linzwi, kipeto ki moyo usili. Moya wa Mulimu u mwa Linzwi la Hae, wa Bumesia, ili Linzwi le li tozizwe. Munyaliwa uswanela kuba muhabo Mesia, Linzwi le li tozizwe.

²⁴¹ Ha lu yemeñi cwale, ka Libizo la Mulena Jesu Kreste. Haiba hamuna kuutwa linzwi laka fateni hape... Kono, Mulimu halata, Ni liba kwa Africa, mwa lihola zelikani fela. Hakulata ha ni na kuyo kuta. Ha ni zibi. Kono Na mi bulelela, ka pilu yaka kaufela, Ni mi bulelezi Niti. Ha ni si ka swaba kamba kumipatela litaba kaufela za ni bulelezi Mulimu kuli ni bulele. Mi Ni Li bulezi ka Libizo la Mulena.

²⁴² Ki nako yetata. Ha ni zibi mwa ku ibulelala. Ni likile kusiya katala linako zetalu kamba zene, mi Ni palezwi kueza cwalo. Ye ki hola yesabisa. Musike mwa i libala. Ye kona nako ya kuli, mwendi, Mulimu ukona kufa pizo ya Hae ya mafelelezo. Ha ni zibi. U ka eza pizo ya Hae ya mafelelezo, zazi leliñwi. Ki lili? Ha ni zibi. Kono na mi bulelala, kuya ka pono yani, kubonahala inge kuli Munyaliwa yani sa li bukaufi ni kukwana.

²⁴³ Mutualime keleke ya sihalihali mo isweli kutahela mwatensi. Foo mwalanjo ya lobezi ha na tezi Oli, na palezwi ku I fumana. Munyaliwa na sa keni kale mwahali. Kuungelwa ne se ku ezahalile kale. "Ha ne ba li ba sa yo leka Oli, Munyali afita."

²⁴⁴ Kana mu lobezi nji? Amu zuhe, kapili, mi mu tone muiceke. Mi ha lu lapeleñi, mañi ni mañi, inge kuli lwa shwa ka ona muzuzu woo, ka Libizo la Mulena. Kifoo, mañi ni mañi, lapela ka nzila ya hao.

²⁴⁵ Mulimu Yamata kaufela, lu utwele butuku. Mulena, u ni utwele butuku. U lu utwele butuku kaufela. Ki bunde mañi bobuliteni, hakuna taba kamba lueza sikamañi, haiba lupalelwika lika zee? Ni yemi ni kukupa muhau, O Mulimu, muleneñi tuna wo u si ka tiba kale mwatas'a liwate ni katulo ya Mulimu i si ka nata kale kwa likamba lateni. Na lapela, Mulimu, kuli U bize Munyaliwa wa Hao. Ni ba beya ku Wena cwale, ka Libizo la Jesu Kreste. Amen.



KU KETA MUNYALIWA LOZ65-0429E
(The Choosing Of A Bride)

Liñusa le ka Muzwale William Marrion Branham, neli katalizwe lwa pili mwa Sikuwa la Bune manzibwana, Lungu 29, 1965, ku ba Full Gospel Business Men's Fellowship International mwa mukopano kwa Biltmore Hotel mwa Los Angeles, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org